



بیاتی چکنکی

(بیاتی توپلوسو ۲)

رقیہ علی قلیان (لالہ)

۱۳۸۸

سرشناسه	: علی قلیان، رقیه، ۱۳-
عنوان و پدید آورنده	: بایاتی چلنگی / رقیه علی قلیان
مشخصات نشر	: تبریز، ۱۳۸۸-
مشخصات ظاهری	: ج ۲
شابک	:
یادداشت	: جداول این کتاب در سال ۱۳ به صورت مستقل نیز منتشر شده است.
یادداشت	: ج ۲، ۱۳۸۸ (فیپا)
موضوع	: شعر ترکی- ایران- قرن ۱۴
رده بندی کنگره	:
رده بندی دیویی	:
شماره کتابخانه ملی	:

کیتابین آدی: بایاتی چلنگی (بایاتی توپلوسو ۲)

یازار: رقیه علی قلیان

دورلتمهن: ملیحه عزیز پور

ناشر: مؤلف

سایه: ۱۰۰۰

چاپ نوبه‌سی: بیرینجی تبریز

قابیق: تورک دیزاین

شابک جلد دوره:

مرکز پخش:

اؤن سؤز یئرینه

دردیمی یازدییم داشا
بیاتی گلدی باشا
من اولین باشلادییم
دوست لاریم وئرسین باشا

گؤزلیم یاخشی گلر
پیس گئدر یاخشی گلر
سن اورکدن بیر فال آچ
انشاءالله یاخشی گلر

سالامیم وارهای کیمی
یوکسلیب دیر آی کیمی
کیتابیمی گؤندردییم
دوستلاریما پای کیمی

بو اثر سونولور آذربایجان دیلینه قیمت وئرن،
ائلینه یوردونا ماراتق گؤسترن و چالیشقان ائلیمه...

(آ)

گول باغلا ديم سلاما
 وئرديم هر بير آداما
 آداملاردا پايلا دى
 آيا گونه زامانا

سلام ايشچى يولداشا
 سلام قوهوم قارداشا
 پايلا ديم تانرى آدين
 ائللره باشدان باشا

سلام كندلى قارداشا
 خرمن دؤين سيرداشا
 حاصيلىن بركتين
 ديرمانسين داغا- داشا

سلام گوله بوستانا
 سلام اييد اصلانا
 اصلانلارين آدينى
 سالا جاغام داسستانا

سلام یورغون آتامما
خسته دوشوب یاتانما
صنعتتہ ماراقلانیب
یاخشى هونر ساتانما

سلام حایالی قیىزا
پروین کیمی اولدوزما
هونر یوین قودرتی
چاتیب آیا اولدوزما

سلامی وئر آلانما
ائل قیدیینه قالانما
کودورتى اولدورن
محبىتلى جانانما

گؤییده گونش شاخاندا
یانیدیراندا یاخاندا
گؤندر باغیریمی گلسمین
قالدی سنین یاخاندا

گۆزوم باغ آراسیندا
 قالدیم داغ آراسیندا
 شام تک جانیم کول اولدو
 یاندى یاغ آراسیندا

عشقی یالاندى دونیا
 بیر جان آلاندى دونیا
 آه چکیب قم اودمادان
 دردیقم قالاندى دونیا

بهار بوردا یاز بوردا
 اوردک بوردا قاز بوردا
 گل بیر دردیمی دئییم
 قلم گۆتور یاز بوردا

گۆزلیم یاریم یارا
 یاریم یار، یاریم یارا
 یارالاریم ساغالماز
 چاتماسا جانیم یارا

آجی چایی آخاند
داش اوسته گول تاخاند
خیالیمدا گزیرسن
سویا حیران باخاند

آتلا دیم باغدان - باغا
گول باغلا دیم یارپاغا
آرزیم یئرین آلماییب
گیرنمه رم تورپاغا

گلیردیم یاری یولدا
دایاندیم یاری یولدا
جانیم گلدی یئتیشدی
گؤز لیم قالدی یولدا

تانری ائیله بیر چارا
منی قویما به چارا
سندن باشقا تانیش یوخ
کیمه گئدیم هاچارا

قوش—ولدوم ايش—يقلارا
 گ—ؤزل ياراشيق—لارا
 منده بيرساز آلميشام
 سس وئرم آشيقلارا

دردينى وئر داغلارا
 مئيلينى وئر باغلارا
 خيال قوشو قوى گئده
 او،شنلىك لى چاغلارا

اوره ييم يار يانيندا
 قانيم قانينار قانيندا
 باغريمما بير اود ووردو
 آلولاندى جانيم دا

بو گولده بو بوداقددا
 بولبول قالدى ياتاقددا
 هميشه سئيره چيخسين
 بو ديلده بو دامماقددا

باغ اوسته باریم یانسا
باغیم باغاتیم یانسا
ناموسومدان کنچمهرم
اود توتوب جانیم یانسا

بیر دون بیچدیم بویونا
آلما قویدوم یولونا
اوزون آلمادان گؤزل
قوربان اولوم بویونا

سو فنگی داشا قویما
داشی یولداشا قویما
هر یولداش نامرد اولماز
بئله باش باشا قویما

وفاسیز یاردی دنیا
هر گولو خاردی دنیا
اویما گینن فئینه
بیر حیلہ کاردی دنیا

درد کی داراشدی قانا
 اینسان یئتیشیر جانا
 گؤز باخیشلا دانیشار
 اوره ک گلرر فغانا

داغلارین دایاغیندا
 آرازین قیراغیندا
 گئدرلی ایز اولایدیم
 ائل لرین آیاغیندا

هامی دوراق ناچارا
 ییخیلماسین بئچارا
 ایشی دویونه دوشن
 هارا گئدسین هچارا

گوئی دولوب ایستر یاغا
 بولودلار قونوب داغا
 بولبولون هیجران سسی
 یاییلدی باغدان باغا

داغلار دوروب یان - یانا
باغرین آچیب جئیرانا
منده باغریمی آچدیم
سنین کیمی شئیطانا

داغلار باتیب دوماننا
نه پیس کئچیر زامانا
یوخسوللوق بئل لر بوکور
اینسان بنزیر کامانا

آی دوغدو دوشدو چایا
یویولدو گئتدی هارا؟
تانیری منی یاراتدی
ازلدن باختی قارا

اورهک گولمز آزار دا
قملی بیلمز ساز هاردا
اینساندا قئیرت اولسا
ساتیلماز هر بازاردا

نیشان تک دَیدیم اوخا
 یاندیردی یاخا- یاخا
 جلاد جانیمی آلدی
 گۆزلریم باخا- باخا

داغ داغین دایاغ—یندا
 دایانیب دایاغ—یندا
 سهندیم شنلیک لنیب
 داغچیلار آیاغ—یندا

یاغیش یاغدی نارینجا
 درمه دیم بارلانینجا
 گۆز یاشیم بولاق اولدو
 آخدی سنین دالینجا

گۆزلیم گلن اولسا
 دانیشیب گولن اولسا
 مهربانلیق یاخشیی دی
 قدرینیی بیلن اولسا

بوغدانى سىپىم داغا
اومودوم باردى ياغا
سوفره لىر چۆرك گۆزلىور
تاپشردىم توپراغا

دردى يازدىم آشكارا
اوره يىم پارا- پارا
يوخسولا يوخ دئمزلىر
دردە قىلارلار چارا

باخارام ايشىقلارا
ايشى دولاشىقلارا
سۆزلىرىم داستان اولدو
وئردىلىر ايشىقلارا

دسته وئردىم گول يارا
چىچك يارا گول يارا
اوندا وفا يوخوموش
نييه وئردىم دىل يارا

ايلديرىملار شاخاندا
 يئره چيچك تاخاندا
 منى ده ياديننا سال
 چيچك لره باخاندا

آجى چايى چاخناشا
 گليردى داشا- داشا
 عرض سلام گؤندرديم
 بوتون قوهوم قارداشا

قار ياغدى بيزيم باغا
 توكولدو اوزوم باغا
 فلک توتدو قيچيمدان
 حسرتدى گؤزوم باغا

دوردوم داغين اوجوندا
 ان گؤزل ياماجيندا
 شئح دن قدح قالديردى
 لاله لرين اووجوندا

گون قوزئی ده باتاندا
قارانلیقدا یاتاندا
من آنامدان دوغولدوم
سنده آشیق آتاندا

گئدین دئیین صیادا
تور آتماسین دریادا
دورنام سودا یوخلاییب
آدامی یوخ اویادا

گئتدیم اوچو یانینا
آندا وئردیم جانینا
منیم دورنامی بوراخ
بلشیدی آل قانینا

گؤزوم دوشدو بولاغا
آینا اولموش داراغا
بیر دانا گؤزل گؤردوم
سو دولدورور چاناغا

قیزیل گول وار یاخانددا
 پاریلدار گون شاخانددا
 آلدی منیم جانیمی
 او قیقاجی باخانددا

من گئتدیم ائلیم قالالا
 وطنیم یئریم قالالا
 آرزیم بودور ائل اوچون
 بیر شیرین دیلیم قالالا

گل دولاناق آراندا
 گؤزوم تئلی ساراندا
 منه بیر وعده وئردین
 گؤیده گون قیزاراندا

ائل لرین اوباسیندا
 جئیرانلار یوواسیندا
 دردلریمی قویلا دیم
 اورمیسه دریاسیندا

گون چىخدى قاراداغدا
دوشوب گۇر ھارا داغدا
منىم روھوم سئىر ائىدىر
موغاندا- قاراداغدا

بو دونيا تىلە دونيا
دردى بىر شىلە دونيا
ھامى نىن زورو چاتدى
ازلدىن منىھە دونيا

پايىز باغرى داشاندا
داغدان كۆلە آشاندا
مىشە دن آلدىم خىر
بولاق پىچىلداشاندا

گولوسىتانىن باغىندا
دورنام قالدى دريادا
گول بىتىر بوداغىندا
يىتىشنى يوخ فريادا

سنة نوبار ساخلاديم
 گؤزوم ياشى سئل اولدو
 آغاجلار قوجاغيندا
 آشدى- داشدى دريادا

چيچك كيمي گول باغدا
 دانيش باغدا- گول باغدا
 سنسيز باغا گيرمه رم
 خرمن اولسا گول باغدا

آند وئرديم تورپاغا
 گوللنه باغدان باغا
 سن دولانان يوللارا
 دايم ياشيليق ياغا

قارتالين جايناغيندا
 طولوم نار آياغيندا
 ظاليمه قنيم اولدوق
 ياشيل ظفر چاغيندا

سو اوزونده تك سونا
بورونوب ايپك دونا
اوره ييم چيچك لنيب
قوش قونا- بولبول قونا

خوش گلدين اوتاغىما
بولبوللر ياتاغىندا
باغدان آيريلانمادىم
چيچكلى ياز چاغىندا

قوش اوچدو، گول باغىندا
قونچالار سوراغىندا
چوخلو دورنا وورولدو
دالغالار قوجاغىندا

قلميم يانا- يانا
بله شيب دير آل قانا
ائل دردىنى يازمادان
كىتابىم چاتدى سونا

خرمى ئىل آلاندا
 سونبولدن تىل آلاندا
 سن يادىما دوشرسن
 باغلارى گول آلاندا

تىل لرى يان ووراندا
 گۆز اونونده دوراندا
 اورە يىم چىچىك لەنر
 ياخادا گول ووراندا

باخ داغلار يىن قارىنا
 دۆولت يىنە وارينا
 الى ياخىن يوخسوللار
 كىم دن گرک بارينا

گل باغرىمى داغلاما
 قاش قاباغىن ساللاما
 گئدرم گىنە گللىم
 يادلارا بىل باغلاما

قالدیم تیکان کولوندا
کروانیــــن یولوندا
بیاتی لار دوزولــــدو
زنجیر اولدو قولومدا

گل باغریمی داغلاما
قاش قاباغین ساللاما
گئدرم گینه گللم
یادلارا بئل باغلاما

گؤزلیم یاشیل داغا
یاز گلدی یاشیل داغا
قوزولارآیاق توتوب
دیرماشیر یاشیل داغا

حورمتلی آنامین پاک روحونا سونولور

آبرلی قیــــز آنا
سؤز صحبتــــی دوز آنا
اوره ک دولو تیلیت قان
سنه قوربان جان آنا

قارا قلم قاش آنا
 كيمدى سنن باش آنا
 سن قالدین دنیادا
 من گئیدییم کاش آنا

قارا گۆزلو قاش آنا
 گۆرلردن باش آنا
 اوره كده نه دردین وار
 گۆزون توکور یاش آنا

شامی پیشیریدین آنا
 اوتدان دوشوردون آنا
 چارهسیز درد الینن
 دونوب اوشوردون آنا

آغاجی آیدین آنا
 دونونو سردین آنا
 اورهیینده گزدییردین
 گیزلیدین دردین آنا

آی قول بوتاقیم آنا
اوره ک ده قانییم آنا
گنجه گوندوز زینمارام
گلمیر قراریم آنا

چیغیردییم فلک قانا
اود توتوب چرخى یانا
سنین تک پاک اینسان
بیبرده گلمز زامانا

الی هونرلی آنا
تیکیشی زرلی آنا
شیرین سؤزولو صؤحبتلی
غیر گوهرلی آنا

آی قارا بیبر چک آنا
اللیری گوچیچک آنا
بیبرده قالدیر الیرین
تئلیریمه چک آنا

صۇحبتىم سۇزوم ئانا
 مەھرىبىمان اۇزوم ئانا
 آيرىلىغا ھىجىرانا
 مەن نىجە دۇزوم ئانا

آغاج اكدىم بووونجا
 قالخىب گۇلە دولونجا
 بىردە دولان گل بىزە
 باخىم سىنە دووونجا

باھارىم يازىم ئانا
 دردىمى يازىم ئانا
 اوز دۇندرىب گىدىبىسن
 كىم چكسىن نازىم ئانا

آى مەنە يولداش ئانا
 ھەر كىمىسە دن باش ئانا
 ئانا دىيىب آغلارام
 گۇزوم تۇكر ياش ئانا

باش سىز دىر بلشىم آنا
ياخىن يولداشىم آنا
گۆز ياشىنى تۆكمە دن
آغاردى باشىم آنا

آى منىم كسىم آنا
اىستى نفسىم آنا
سن دولان يئرلره
قوربانلار كسىم آنا

آى منىم كسىم آنا
اىستى نفسىم آنا
سن دولان يئرلره
قوربانلار كسىم آنا

ائلات خانىملارينا سونولور

سالام آى قوچاق خالا
اللىرى پىچاق خالا
.....بىر كسر گنتى
كدرلى بىچاق آنا

بولاق دان گلدی خالا
 ائللره الـدی خالا
 سوسـوزلادی دویـوردو
 گۆر نئجه یـل دی خالا

قوجادیـر قاری خالا
 داغلاریـن یاری خالا
 امه ییـنین بـه هریـن
 گۆروب سن باری خالا

داشلاندی سئلر خالا
 قوزاندی یئلر خالا
 هونرینین دئـمیرم
 تانری ائلر خالا

چارقاتی خالی خالا
 دوداغیـی بالی خالا
 کدری وئـر داغلارا
 گل گئـدک یاللی خالا

چۈللىر ياتاغيىن خالا
گلىن اوتاغيىن خالا
عۇمور بويو قاچمادى
سنىن دوداغيىن خالا

داغلار يىن قىزى خالا
گۈيلر اولدوزو خالا
اللىرىن دىدە دولانىدى
مىن سورو قوزو خالا

باغ سولارىنا هايىنا
سودا گىزن آيىنا
اوره كلرىن دىفترى
دوشوب آجى چايىنا

قالنى سالىدىن خالا
دونىايا ياتىدىن خالا
او بالاردا گۇرمەدىم
هاياندا قالدىن خالا

قالنى سالىدىن خالا
 دونيايا ياتىدىن خالا
 اوبالاردا گۆرمەدىم
 ھاياندا قالدىن خالا

چۆللەر دىيارىن خالا
 سئومە لى باغىن خالا
 عۆمور كئىچدى گۆرمەدىم
 شنلىك لى چاغىن خالا

چۆللەر دىيارىن خالا
 سئومە لى باغىن خالا
 عۆمور كئىچدى گۆرمەدىم
 شنلىك لى چاغىن خالا

چۆللەر دىيارىن خالا
 سئومە لى باغىن خالا
 عۆمور كئىچدى گۆرمەدىم
 شنلىك لى چاغىن خالا

باغ سولارینا هایینا
سودا گزن آیینا
اوره کلرین دفتری
دوشوب آجی چایینا

(ب)

بایرام گلیب یاز گلیب
اؤردک گلیب قاز گلیب
آشیقلار سیینه سینده
ائل دیندیرن ساز گلیب

ایلیمیز دولو گلیب
قوزونون بولو گلیب
اوتلاییب گوئی چمنده
دولانیب یولو گلیب

داغ دره یسه های گلیب
چشمه جوشوب چای گلیب
اریب سئل دیر مانار
گوؤزونه تئای گلیب

بولود داغ باشين آليب
 سئل درم داشين آليب
 قيز ار اولوبدور اوغلان
 اوغلانلار قاشين آليب

آغاجلارا بار گليب
 هئووا گليب نار گليب
 اوره كلر سئويمنمه يه
 شنليك گليب وار گليب

فرهنگيم اوغورلانيب
 پارا- پارا دوغرانيب
 عوض اولوب رسم لر
 قيز دئييب اوغلان قانيب

چوبان برده دوروب
 قوزو درده دوروب
 هره سي بير طرفده
 قمي شلهده دوروب

ياغيش ياغيب سئل دوروب
گولو تۇكن يئل دوروب
اوره ييمى قان ائىدن
سولغون گزن ائل اولوب

شهرى — اردان آد قاليب
خالق او آدان شاد قاليب
اؤزو كؤچوب گئتسه ده
ائل ايچينده ياد قاليب

داغلار باشين قار آليب
داغين رنگى قاراليب
بولبول اوچوب گئندن
باغ باغاتى سار آليب

قوشدوم اوچدوم قريب
قوربتته دوشدوم قريب
بيري اخينيم اولمادى
وفالى دوستوم قريب

من عاشيقام گون گئديب
 آي دولانيب گون گئديب
 سن مندن آيـريلاني
 هر گونوم مين گون گئديب

بولبولوم باغدان گئديب
 ساروانيم داغدان گئديب
 آختـارديم
 بيلمه ديم هاردان گئديب

عؤمروم گونوم تالانيب
 باغريما قم قالانيب
 اوره ييميـن آل قاني
 گؤزلريمـدن جالانيب

او منيم گولوم گئديب
 بير شيرين ديليم گئديب
 هم كسيم هم نفـسيم
 ائله بيل ائليم گئديب

داغلاری چن بورویوب
باغلاری نم بورویوب
گول سولوب چیچک سولوب
باغریمی قم بورویوب

داغلار اوسته چن گلیب
باغلار اوسته نم گلیب
سندن آیری دوشه لی
اوره ییمه قم گلیب

بولبولوم داردا قالیب
میسمار دوواردا قالیب
دوشمین بئلی سین سین
بیلیمرم هاردا قالیب

قیش قهرین داغ چکیب
داغ دایانیب داغ چکیب
فله یین شئشی سینسین
هرگننه داغ چکیب

بیخیل میشدی دایانیب
 یوخلامی—شدی اویانیب
 گؤرور زامان سووشدو
 باغری قانا بویانیب

گؤزلیم چایدا قالیب
 آی دوشوب چایدا قالیب
 گوناھ سیز پاک عزلدن
 همیشه دارد ا قالیب

گؤز لریم نه گؤزله ییب
 آختاریب نه گؤزله ییب
 یاریم بی وفا چیخیب
 تک گلیب نه گؤزله ییب

گؤزوم او خالدا قالیب
 دوداغی بالدا قالیب
 روحوم دایانیب دورماز
 اینجه خیالدا قالیب

بو یولدان کروان گئدیب
حساب سیز سروان گئدیب
درد اوره کده یول سالیب
دردیمه درمان گئدیب

باغریمی ایلان چالیب
دیلمی بیلن چالیب
آشکار دوست گیزلین دوشمان
اوزومه گولن چالیب

جانیم گئدیب تر قالیب
قوشوم اوچوب پر قالیب
گؤزلریم یول یورقونو
دیلمده دیلبر قالیب

سورونن یئری قالیب
چوبانین نئیین قالیب
داغلارین قولاغیندا
فقط هئی-هئی قالیب

تبریز بیر اوستان اولوب
 چیچکلی بوستان آلیب
 هونرلری اییـدـلری
 دیلرده داستان اولوب

آراز بورولوب گلـیب
 سویو دورولوب گلـیب
 گؤردوم گلدی گئدن یار
 دئمـه یورولوب گلـیب

پنجره نی تـوز آلیب
 اوره بیـمی کـؤز آلیب
 یازیق اوره ک نئیله سین
 اونودا بیر قیز آلیب

داغ گونه هاییل اولوب
 گؤزل شاماییل اولوب
 ایشمه یه
 اوره ییم قاییل اولوب

صيفتىن داوا ساليب
بيريىن دووارا ساليب
اوره يىنىن ناخىشاسىن
بىر باخ گۇر ھارا ساليب

گولون بىستە سىن آليب
دستە- دستە سىن آليب
اونون بىر شىرىن سۇزۇ
جانىم خىستە سىن آليب

نە گۇزل قوناق گليب
الينىدە داراق گليب
باشىنىدا توى ھاواسى
يويانىب بىرک واخ گليب

اوغۇزل گولە باخىب
بولىبولە گولە باخىب
اۋزۇدە اولان دىلبىر
سوزولن گولاب آخىب

گۆزلىرىن قره دىر لاپ
 قره دن قره دىر لاپ
 قوربان اولدوغوم گۆزلىر
 ائله بىل شوه دىر لاپ

درده گلىدى سىنه لاپ
 اولدوم سىنين يئنه لاپ
 اوره كىده حسرتىم وار
 من يئتيشىم سىنه لاپ

من هاردايام اؤزون تاپ
 اؤزون آختارىب اؤزون تاپ
 اؤزون تاپسان سئورسن
 سىنه قوربان اؤزون تاپ

سو اوزونىده قالدى چۆپ
 ياغيش ياغيب واردى چۆپ
 دىنىز باغ مىروارى
 گۆر نىجه حئيراندى چۆپ

باغرىم قاراليىب دىر لاپ
رنگىم ساراليىب لاپ
گوونىدىم داغلارى
گۇر نە قار آليىدەر لاپ

گول سولدو قالدى چۇر چۇپ
باغلارى آلدى چۇر چۇپ
قوشلارىن يواسىندا
گۇر نە اوجالدى چۇر چۇپ

مىروارى دە قىزىل ساپ
شەلەرە دوزول ساپ
يا قولومدا بىر لعل اول
يا اليمىدن اوزول ساپ

نازىك لرى منە ياپ
منە پىشسىر منە ياپ
تان زى دان گلن بلا
يئىشىيدىر منە ياپ

باغداگۆردون چاپ
 سارماشيغى ھۆردون چاپ
 ايلان خالقاقنيم دير
 ھاردا ايلان گۆردون چاپ

ايستى تندير چۆرەك ياپ
 توستو تندير چۆرەك ياپ
 خالق آجيندان قارالدى
 بسدى تندير چۆرەك ياپ

دووار اوستوندىن گلىدى توپ
 گليب منە دىدى توپ
 بىر يىخىليب آيىلدىم
 گۆر نىجە سروردى توپ

قارا تسبىح قارا ساپ
 قارا دويون قارا ساپ
 بختيم تكين باغلانيب
 آچيلماز بو قارا ساپ

جانىم گۇزوم كهر آت
چوخدور سۇزوم كهر آت
منى چاتدير سئوگيمه
مخمر آليم يه هر آت

آى هاراي عۇمروم قارات
پوزولور عۇمروم قارات
جانىمى كۇرپو قويدوم
قىرىلدى كۇرپوم قارات

فلكده يوخ كارامات
ايتسير مندن قارامات
بىر جانىم درد يورغونو
اودا قالمير سالامات

ياتانلارى سن اويات
ياواش دىندير سن اويات
ياشسيل يوخو شيرين دىر
شيرين دىندير سن اويات

دندیم اووچو اوخون آت
 اوخون واردی چوخون آت
 سینه قویدوم نشانه
 هر نه وارین- یوخون آت

دووار اوستن آچار آت
 آچار قیفیل آچار آت
 باغلی قالان قیفیلی
 آچار فلک آچار آت

سن ده جوجر بیر بوی آت
 دمده جوجر بیر بوی آت
 سولو یئرلر بیتنمز
 سوسوز یئرده بیر بوی آت

گل یاستیغا باش آت یات
 اوره ییمی بوشات یات
 گئجه یاتیب دویوبدور
 سن گوندوزه قاش آت یات

خونچادا گلدی نابات
شنلییه الدی نابات
شاقیل دار آل دهینده
نه قالماقدی نابات

تانریدان آلدیم قانات
گؤیلره چالدیم قانات
یئتیشدیم اولدوزلارا
دئدیم برک جاندیر قانات

شوشه تک آغدی نابات
ایستی دی داغدی نابات
خراساندان گلیبیدیر
داماغی چاغدی نابات

قارلی داغلار قارابات
قارا بورون قارابات
ایتیردین ساروانیمی
ساخلادین سالامات

(ج)

تندیر اوسته یاندى ساج
 آلولاندى یاندى ساج
 بیر عؤمور چالیخلادیم
 باغیریم دولو قاندى ساج

گیزلین درده یوخ علاج
 چوخ درده ده چوخ علاج
 قانمازا دوچار اولدوم
 بیرجه اونا یوخ علاج

شاه باشیندا گولودو تاج
 ایشیل دیر بولودو تاج
 آج قارین ناردردینی
 گؤره سن هئچ بولودو تاج

زمی لر سویا مؤحتاج
 یاشاییش نورا مؤحتاج
 آلاه قیسمت ائتمه سین
 گؤزلونو کورا مؤحتاج

چای قالیبدیر سودان آج
سودان بالیق توتان آج
زامان ائله زاماندی
توتان آج اون سودان آج

تندیر اوسته قارا ساج
اوردان دوشر یئر ساج
آج قارینلار دوزولسه
چۆرهک پایلار بئله ساج

من عاشیقام وار علاج
قیل دردیمه یار علاج
گۆزوم یوللاردا قالدی
آیریلیغا وار علاج؟

گوله دولوب نار آغاج
تپه دیرناق وار آغاج
نه سازاق کسر سنی
نه ده یاغان قار آغاج

زمى قاليب دندن آج
 كؤشن ده خرمدن آج
 دن اولسا خرمن اولار
 من قالماسام سندن آج

بوتاق دولو بار آغاج
 ائللر اوچون وار آغاج
 گئديرم بيرده گلهم
 ساخلا منه نار آغاج

(چ)

اوراق گؤتور زمى بيچ
 شنلييي يوخ قمي بيچ
 بير ايش گؤر شادليق اولسون
 يئر اوزوندن قمي بيچ

بو يولدان گلميسن هئچ
 گؤزومه ديميسن هئچ
 من سنى چوخ سئويرم
 سن منى سئومي سن هئچ

نار وئردىن سويمادىم ھىچ
بوشقابا قويمايدىم ھىچ
نە تىز گلدىن تىز گلدىن
من سندن دويمادىم ھىچ

دئ نە اولوب قارا ساچ
گۇر دۇشە نىب ھارا ساچ
عۇمور گونون كىدرىن
گۇستىرير آشكارا ساچ

يالان سۇزو قانما ھىچ
سۇزو سۇزدن سانما ھىچ
جان ياندىر ياندىرانا
ياندىر ماسا يانما ھىچ

آمان فلک باغرىم آچ
سىنە دولو آغرىم ساچ
باغرىمدا يورولدىم
دىلە گلىب آغرىم آچ

من گئديرم سنده قاچ
 سینه گولون منده قاچ
 ایتیرسن تاپانماسان
 دؤنموشم دربنده قاچ

قارپیز کسدیم اوشدو قاچ
 بوشقاب اوستن دوشدو قاچ
 دوستونو برکده سینا
 نامردلیک گؤروشدو قاچ

گل منیم دالیمجا قاچ
 مطلبین آلینجا قاچ
 محبتیین اودونو
 باغریما سالینجا قاچ

یول اؤنونده دورما قاچ
 باغریما اوخ وورما قاچ
 قورخورام نظرده یسه
 اوره ییمی فیрма قاچ

آمان فلک باغریم آچ
سینه دولو آغریم آچ
باغرماقدان یورولدوم
دیله گلیب آغریم آچ
(خ)

بو دونیادا قالان یوخ
گئدرگی چوخ قالان یوخ
هامیلاریمن دردی وار
آمما دردی آلان یوخ

آراز آخیر یاشی چوخ
هیجران چکیر داشی یوخ
آغلی دایماز اولانین
بلاچکر باشی چوخ

گؤیومون اولدوزو یوخ
آلیمین ده دوزو یوخ
بعضی آدام اوغلان سئور
منیم تکیمن قیزی یوخ

پاپریزین اودونا باخ
 جییرین دودونه باخ
 قیزلاردا سیگار چکییر
 زامانین مودونا باخ

بو یوللاری گزدیم چوخ
 گول باغلادیم دردیم چوخ
 چوخ باشیزی آغریتدیم
 من دردلی یم دردیم چوخ

بیر کسیم یولداشیم یوخ
 مهربیان قارداشیم یوخ
 دردیمی کیمه دئییم
 سئومه لی سیرداشیم یوخ

لاله آچیب قونچا باخ
 قونچایا دویونجا باخ
 خرمن دولو برکت
 قالخیب دیر بویونجا باخ

بو تۆكۈلن قانا باخ
قان ايچىندە جانا باخ
گل دۇيوش ميدانىندا
قهرمانلار سانا باخ

ميدان سولا باشا چىخ
قوى قيرىلسين پاشا چىخ
قير دوشمنى مرد اوغلان
اوخون ديسين داشا چىخ

يورودومدا قهرمان چوخ
قىلينچ لى پهلوان چوخ
سرحدلردن خبر آل
گئدن چوخدور قالان چوخ؟

كندىمىزده زمى چوخ
زمى وئزدى دنى چوخ
سن سئويرسن يادلارى
من سئويرم سنى چوخ

گل بییر منه اول دایاق
 بوینوما سال قول دایاق
 قوربت یئرده جان وئردیم
 اولانمادی یول دایاق

ساچلاریمدا دَنه باخ
 کدره باخ دَنه باخ
 باهار عؤمرو قیش اولموش
 ائل قمیندن منه باخ

سویا اولار داش دایاق
 داشادا بییر باش دایاق
 سن چکیلسن ییخیلام
 سؤیکن منه باش دایاق

توپراغی—مدا لعله باخ
 اینانماسان اله باخ
 هونر لرین مکانی
 حساب سیز گؤهره باخ

گل میشوودا قارا باخ
قار یاغیدیر هارا باخ
بیر آچ باغیریم قاپیسین
سینه دولو یارا باخ

آجی چایین قهری چوخ
آخیب گئدیر شهری چوخ
بالیقلاری توردادی
آغزیندا وار زهری چوخ

آراز اوسته قوشا باخ
نه گزیرلر قوشا باخ
آراز جوشوب دیلله نیر
داش اوسته قان یاشا باخ

بیر باشیمی قاتان یوخ
دیزیم اوسته یاتان یوخ
بالامی یاد آپاردی
بیر الیمدن توتان یوخ

يانىمدا قالانىم يوخ
 يادينى سالانىم يوخ
 درداليندىن سىزلارام
 دردىمى آلانىم چوخ

گۈيلردە اولدوزوم يوخ
 حاق سۈزە بىر سۈزوم يوخ
 گئىردى تئىز قايدىسىن
 آمما منىدە دۈزوم يوخ

سىنە م اوستە كۈزە باخ
 آلوا باخ كۈزە باخ
 دئىم گل خالقا قارىش
 اينىصاف ائىلە سۈزە باخ

قانالىقىدا اوزوم يوخ
 چورويوبدور اوزوم يوخ
 بوش سبىد دولاندىردىم
 قىسمت بودور سۈزوم يوخ

دیندیریب گوله نیم یوخ
دردیمی بیله نیم یوخ
بیخیلدییم اوزوم اوسته
وای یازیق دئییه نیم یوخ

گول اکدیم بیتیرن یوخ
آلاغین گۆتورن یوخ
جانیم چیخدی قوربتده
آنما یئتیرن یوخ

ائینالیدا قارا باخ
گؤر قالانیب هارا باخ
یاز گلر سئل آتدانار
بار بیتیرن وارا باخ

سو اوزوننده آیا باخ
آخیر گئدیر هارا باخ
دوروبدور الیرینده
تانری وئرن پایا باخ

داغلارین باشینا باخ
 قان آخیب داشینا باخ
 جئیران قارتال آغزیندا
 فله یین ایشینه باخ

باغلار دولو قوش دو چوخ
 گؤللرده گؤرشدو چوخ
 بیر حسرت بیر محبت
 اوره ییمدن کئچدی چوخ

(د)

من عاشیقام یاخشی آد
 یاخشی شوهرت یاخشی آد
 اینسانی دیری ساخلار
 بیر پول بیرده یاخشی آد

قارا بولود آغ بولود
 باغریم دولو داغ بولود
 اله گینن گؤز یاشی
 اوره کدن بیر باغ بولود

عزیزی یم بولدو یاد
آزدی تانیش بولدو یاد
قوربتی خاراب قالسین
یاردا گئدیپ اولدو یاد

آمان فلک آمان داد
درد الیندن آمان داد
سینه م اوخلار مکانی
قددیم اولدو کامان داد

ایچیم آلیشدیردی درد
قاتدی قاریشدیردی درد
تاپدی گؤیلوم طبیین
اونلا باریشدیردی درد

آغاجدا سولوو آمرود
بارینان دولوو آمرود
بیر بوتان مینه دولوب
کسیب دیر یولوو آمرود

باغدا گول سبد سبد
 درمیشم سبد سبد
 عؤمرومون گولشنینی
 پایلادیم سبد سبد

من عاشیقام یاخشی یاد
 پیس تانیشدان یاخشی یاد
 تانیش باغیریم اوخلادی
 درمان ائتدی یاخشی یاد

داغلار اوسته آغ بولود
 قارا بولود آغ بولود
 یئرین باغری چاتلادی
 گل مایا قوی یاغ بولود

گلیردی قارا بولود
 ایستردی یاغا بولود
 منیم بالام یولدادی
 اوز دؤندر داغا بولود

باھار گىلىب گولدىو شاد
گول اوسته بولبولدىو شاد
مىن بىر دردىن درمانى
بىرجه شىرىن دىلدى شاد گل

ائىللىر يولوندا گئىت
ساغىندا سولوندا گئىت
جانىم قالىب يولوندا
گۆزلىرىم بويوندا گئىت

(ر)

اوخ ساخلاماز كامانلار
كئچدى اسگى زامانلار
آنا يولون بىلمه سه
اوشاق آنانى دانلار

بولود گئىدر آى اومار
گۆى شاققىلدار چاى اومار
وار يوخونو بىلدىرمه
ھامى سندن پاي اومار

باخ گۇر قلم نە يازير
 نە بودره يير نە آزير
 بعضى قلم توتانلار
 اؤزونه قبيير قازير

ياخشيلار قوربان كسر
 بير شيرين ديل قان كسر
 كيشى اونا دئيرلر
 بوش پتكدن شان كسر

قلم گوردويون يازار
 گوروب بيلديين يازار
 آتا بابا سؤزودور
 آيرى گئده ن تئز آزار

كولك وورار قار آشار
 قار آشار يولدان داشار
 اؤزگه فئلنيه اويان
 اؤز يولوندىن تئز چاشار

آل كاغاذى ياز قورتار
گل ائيله مه ناز قورتار
قزل يازان الليريم
سندن اؤتور ساز توتار

آياق ايزيم يولدا وار
هارا گئتسم اوردا وار
گئديرسن تئز قايت گل
حسرت گؤزوم يولدا وار

شهيدلره داش آغلار
توپراق آغلار داش آغلار
اوره ييمدن قان دامار
گؤزلريم ياواش آغلار

بلا چكن باش آغلار
قريب اولسه داش آغلار
باجى نيسگىللى اولسه
قارداشلار بىر باش آغلار

خارا با قالدى باغلار
 باخاندا گويلوم آغلار
 نه آتام وار نه آنام
 سینه ده قالدى داغلار

بو گئدنه يئل آغلار
 ياغيش ياغار سئل آغلار
 ائل يولوندا اوله نين
 ياسين توتار ائل آغلار

آغلاديم سايماديلار
 يانيدا قالماديلار
 بو آدامسيز يئتمين
 قاداسين آلماديلار

ناسازام جانيم آغرير
 دولانان قانيم آغرير
 قم- كدرى اودماقدان
 بوتون هر يانيم آغرير

گندىرسىن دىيار - دىيار
گۆزوم سىندە باردى يار
گۆتۈر آپسار كۆنلۈمۈ
ئوردىم سىنە يادگار

گۆزل لىر آغلامازلار
قاش قاباق ساللامازلار
بىرى يولدا يۈبانسى
بىر بىللە داشامازلار

گىلمىر قىچىم آغرىر
درد توتوب ايچىم آغلىر
آنا دىيىب يولماقدان
باشىمدا ساجىم آغرىر

آرخامدان بىر سىس گلىر
بىر ايستى نىفس گلىر
ستارىن گلىش سسى
باغرىما ھوس گلىر

خزىلدىن دولو باغلار
 دولوبسان دولو باغلار
 بىرى آنا دئىنىدە
 گۆزلىرىم دولوب آغلار

داغ سىنە سى داشلانير
 سرىن بولاق جوشلانير
 تزه ايلين شىلىيى
 يوردوموزدا باشلانير

يوردومدان آخان چايلار
 آخان چاى منى هايلار
 من دوستاغام قاچمارام
 سن آتدا ياد ديارلار

سوسوزلار گۆيه باخار
 گۆيدىن ايلديرىم شاخار
 اولوم آلاه ايشيدى
 هيچران يانديرار ياخار

سئل گلر داغدان آخار
داغ دؤشونه گول تاخار
حسرت قالان گؤزلریم
داییم یوللارا باخار

بو بازار ایستی بازار
تانیدی دوستو بازار
بیر الیمدن توتان یوخ
نه یامان پیسدی بازار

داغا گئتسم قار گلر
نه قدر کی وار گلر
خالقا گلر شیرین دیل
منه آه و زار گلر

قارالی آغلی داغلار
بوستانلی باغلی داغلار
الیم سیزدن اوزاقدی
قوللاریم باغلی داغلار

دومان گئدر چن قالار
 یاغیش کسر نم قالار
 گولر اوزوم ائللره
 اوره ییمده قم قالار

بو داغلار قاتار داغلار
 گئجه نی یاتار داغلار
 دوستون آختاریب تاپار
 دوشمنین آتار داغلار

ائل کؤچر ایزی قالار
 یوللارین دوزو قالار
 اینسان گئدر دونیادان
 چوخ شئیده گؤزو قالار

آشیق دئیر سؤز آغلار
 دوداق گولر گؤز آغلار
 اوره ک دردیمی بیلسه
 هر مهربان اوز آغلار

سینه دولو یارالار
حساب سیز دیر یارالار
پاکاتلی سؤز اوخ کیمین
اوره ک باشین یارالار

من عاشیقار قار باشلار
یاغیش کسر قار باشلار
باجی یا آرخا دورار
جانندان کئچن قارداشلار

یاغیش یاغیب یئر گولور
چوبان چالیر نئی گولور
دولوب شنلیک چاناغی
ساقی گولور مئی گولور

آرزی باغین چن توتار
اوره ک دولار قلم توتار
گؤزوم سنی آختارار
اوره ییم ماتم توتار

اوجاق سؤنر كؤز آلار
 هر گؤزل ده گؤز قالار
 عزرائيل جانيم آلسا
 اوره ك دولو سؤز قالار

مؤو آغاجي ياش وئرر
 ياشينا بير باش وئرر
 باجي قارداش يولوندا
 باشيني ساباش وئرر

گؤزلريم سني گؤزلىر
 آختارار سني گؤزلىر
 اوره ك داشيب گؤز دولوب
 گؤز ياشيم سني گؤزلىر

گون شاخار بولاق يانار
 قورويار بولاق يانار
 آيريليغين كلمه سين
 ديل دئير دوداق يانار

قلم توتوب يازانلار
يازىلارى پوزانلار
خوش گونە حسرت قالسىن
خالقا قىبير قازانلار

گون گونئى دن گۇروشىر
گئجه گلجىك اۇتوشىر
عۇمرومىون دىفترىندىن
هر گون بىر وارق دوشىر

بولاق داشار گۇز اولار
دۇرد بىر يانى گۇل اولار
سن يادىما دوشىندە
باغرىم يانار كول اولار

كىتايىم دا آرزى وار
شنىلىك لرى آرزىلار
ائىللىرىم شاد اولاندا
اوره يىمىدە آى دوغار

سالاميم آلين داغلار
 سالامات قالين داغلار
 منيم دردلى باغريمي
 بير يادا سالين داغلار

آغ نئچه باشلى داغلار
 قوجالدين ياشلى داغلار
 ائللره آرخالانميش
 يارلى يولداشلى داغلار

بوداغلار داشلى داغلار
 منه يولداشدى داغلار
 يوبانديم گلنمهديم
 كيم سندن آشدى داغلار

ياتيسان اويان داغلار
 آي رنگي سولان داغلار
 دوستاقلقدان جان قورتار
 بير كره دولان داغلار

کروانلار کئچدی داغلار
بولاقدان ایچدی داغلار
کیملر وطن یولوندا
قانا بلشدی داغلار؟

قار یاغار سنه داغلار
گون شاخار سینه داغلار
گئدیم بیر جوت بالامی
گؤستریم سنه داغلار

بوداغلار داشدی داغلار
یولو دولاشدی داغلار
سنله گولوب دانیشدیم
کدریم قاچدی داغلار

سینه سی مئشه داغلار
گولو بنؤشه داغلار
گلدیم یئتیشدیم سنه
ائیلهدیم نئشه داغلار

بو داغلار مزە داغلار
 جئيرانلار گزە داغلار
 چوخ تۆكدوم گۆز ياشیمی
 يئتیشدیم سیزه داغلار

آ داغلار بیزیم داغلار
 دولانیم گزیم داغلار
 هیجران دردی چکندن
 گلمه بیر دیزیم داغلار

بو داغلار گوللو داغلار
 شیدا بولبوللو داغلار
 منیم اوره ک دردیمی
 گۆره سن بیلدی داغلار

بو داغلار قاتار داغلار
 کروانلار یاتار داغلار
 اوره ک دردیمی دئسم
 داشلارین آتار داغلار

ائل گلىدى اويان داغلار
شنلىيه بويان داغلار
بويان قملى كدرلى
نئجه دى اويان داغلار؟

بو داغلار قارا داغلار
دردى بىر شله داغلار
ايتگىن گئىدن سارامى
ايسىتىرم گله داغلار

باغلار مئشندى داغلار
قوزو دۇشندى داغلار
چوبان چالدى توتە يىن
ياخشى نئشه دى داغلار

اۋرپە يىز قارا داغلار
باخىرسىز ھارا داغلار
مىندن بىر قورو سالام
گۈندىرىن يارا داغلار

شنلیکلی واختی داغلار
 زیروهدن باخدی داغلار
 بولاقلارین گؤزونندن
 گؤز یاشین آخدی داغلار

قوزولار قاچدی داغلار
 اویلاقلار آشدی داغلار
 سورو سنین جانینا
 گؤر نه داراشدی داغلار

ائینالیدان دوزو گؤر
 اوردان باخ تبریزی گؤر
 قالیب یادلار الینده
 او باشسیز اولدوزو گؤر

عشاییر گلدی داغلار
 چادیرین سردی داغلار
 باغرینداکی گوللری
 قیزلاری دردی داغلار

بولود یاغار چای جوشار
بولاقلار آشار داشار
گؤزوم آغلار ائلله
دیلیم ده شئعیر قوشار

جئیرانلار داشدا مه لر
دولانار داشدا مه لر
ساواش آدی گلنده
توپراقدا داشدا مه لر

حووض ترلان چاخناشار
بال سویو داغدان داشار
اوندان ایچن اییدلر
بیر عؤمور اینسان یاشار

باهار گلیب داغ گولور
باغچا گولور باغ گولور
پروانه تک پاریلدیر
او داماغی چاغ گولور

گۆيلردن شيمشك شاخير
 يئر اونا حئيران باخير
 شورانلارين باغرينا
 ائله بيل مرحم آخير

بولاق آخير داشلانير
 دؤرد بير يانى ياشلانير
 يئتيشدى بايرام گونو
 شنلييميز باشلانير

پاييز گونلو ساراي لار
 آي نيسگيللى ساراي لار
 قوربت ده بير قوشوم وار
 دايميم وطن هارايلار

سن مندن گؤزون گؤتور
 آرادان سؤزون گؤتور
 بايرامليغين بير جوراب
 اونودا اؤزون گؤتور

بو يول ائلىن يولودور
محبته دولودور
بو يولدا گزن كيشى
ائلىمىن ساغ قولودور

بولود كىمى شاخىلار
بولاق كىمى آخىبلار
يوردومون بايراغىنى
داغلار اوسته تاخىبلار

بوردا شئرلر قالىبلار
داغلارا سس سالىبلار
دوشمن لرى خار ائديب
اوزلرى اوجالىبلار

ئىل قووزانار داش توكر
داشىنى ياواش توكر
بولاق چكر ائل دردين
گوزلرىندن ياش توكر

بو توپراق زر بيتيرر
 قهرمان - ار بيتيرر
 آنالار ديشى دوغار
 توپراغيم يل بيتيرر

سولوبدور بيزيم داغلار
 قانالى اوزوم باغلار
 گولونده گولشنيده
 قاليب دير گوزوم باغلار

ايسته رم گلم باغلار
 گولونو درم باغلار
 من گولومو گورمه سم
 اوره ييم ورم باغلار

پاييز گئدر قار گلر
 حسرت گئدر يار گلر
 سئوينر خسته گويلوم
 يار الينده تار گلر

داغلاردا داش کسیرلر
داشی یاواش کسیرلر
زامان نه خراب اولوب
پول اوسته باش کسیرلر

سن کیم ایدین ائل قانار
وطن قانار ائل قانار
شهیملردن ییـازاندا
قلمیمن قان دامار

دورنالار قاتار گئدر
داغلاردا یاتار گئدر
وفالی یه جان قوربان
وفاسیز آتار گئدر

یاغما یاغیش گلن وار
دامدا قورود سرن وار
یوخسوللار یامان گونده
هئچ بونلاری گؤرن وار؟

كارون آخار سىپىلر
 داش تورپاغى اوپۇلر
 وطنىن توپراغىندان
 ھامى توربت گۇتورر

آغلار گۇزلىرىم يانار
 رىنگىمى گۇرن قانار
 بىرى آنا دئىندە
 اورە يىمە قان دامار

گۇزلىم دولاندىرار
 پرسويو دولاندىرار
 طەنە لى سۇز اود كىمى
 اورە يىمى ياندىرار

كامانچى تىرى ساخلار
 ياي چكر تىرى ساخلار
 بىر پارا بىر دە شۇھرت
 اينسانى دىرى ساخلار

گون شاخار باغلار یانار
گۆزلریم آغلار یانار
اوره کدن بیر آه چکسم
اود توتار داغلار یانار ایز

یوکونو یول چکر
بیلن سؤزه قول چکر
خیال گزر باشیمدا
گۆزوم باخار یول چکر

گون چیخار قالار گئدر
ایشیغین سالار گئدر
نامرده بئل باغلاما
پیس گونده سالار گئدر

تبریز سنین یئرین دیر
گل یوردومو سئویندیر
اوزاقدان باخماق اولماز
وطن عشقین بیلیندیر

گون چىخار گۈلە دوشەر
 چىچە يە گۈلە دوشەر
 خئىر ايش گۇرسك گۇرونمز
 شررىمىز دىلە دوشەر

قانماز اينسان قان سالار
 ھر يئردە فغان سالار
 قافاسى قالىن اولان
 ھر گلە نە يار سالار

آلما كىمى سويدولار
 اورە يىمى اويدولار
 تالاندى وار دۇولتىم
 يامان گونە قويدولار

دورنالار قاتار گئدر
 داغلاردا ياتار گئدر
 تىكانلى سۇز اوخ كىمى
 باغرىما باتار گئدر

گۈزلىم قارا تىللىر
آغاردى قارا تىللىر
يوخسوللوق بىر درددى كى
عۇمورو قارات ائىلىر

هر كسىن بىر دامى وار
هر دامىن آدامى وار
وار دۇولتىن قىدرىنى بىل
دىرىلدر آدامى وار

قانان اينسان قوجالار
ئىل اليندن قوجالار
يورдона قوللوق ائىدن
قوجالدىقجا اوجالار

بو باياتىلار سونولور يوردومون ياشىل كىندلرینه

سالام آى ياشىل دىيار
ياشىل دان ياشىل دىيار
توپراغى لعل مرجان
داشلارين ايشىلدايار

باغلارین بوستان دییار
 تاریخین داستان دییار
 آبادلاشیب کندلرین
 اولدو بیر اوستان دییار

سالام آی گوللو دییار
 گوللو بولبولو دییار
 بولودلار قولاغینا
 سؤیلهدی بوللو دییار

چشمه سی جوشان دییار
 قایناییب داشان دییار
 حئیران اولوب عاشیقلار
 نغمه لر قوشان دییار

یولوندا ماشین دییار
 یئممه لی آشین دییار
 جاوانلارین اوخودو
 اوجالدی باشین دییار گوللودور

یاشیل دیر باغین دییار
اوجادیر داغین دییار
قم کدری اولدورر
شنلیکی چاغین دییار

ظولمات یاران آی چیخار
ائل قووزانار های چیخار
گوئیدن بیر اولدوز آخسا
اونامین بیرتای چیخار

شنلیک گؤرسه گئدر قار
سونرا گلر شن باهار
اولدوز گولر آی اویینار
بئله زامان هاردادا وار

بورادان کئچدی دورنالار
قانادلارییندا باهار
یاز گلیب سن گلمه سن
باغیریم اود توتوب یانار

حیرسلی انسان تیز داشار
 هرگنله ساواشار
 یاخشیلیق بیر هونردی
 چالیش یاخشیلیق باشار

کؤکسومده بیر اوره ک وار
 گولسه آچار مین باهار
 عشقیندن گوللنن یاز
 عؤمور بویو گول ساتار

آجی دیل یامان اولار
 دؤوره دن خالقی قووار
 ایشی برکه دوشنده
 اؤز الی باشین یولار

(ز)

یوخسولون گؤزو گولمز
 دانیشار سؤزو گولمز
 بعضی لر گولر اونا
 دوغروسو اؤزو گولمز

من عاشیغام سویولماز
دری اوزدن سویولماز
نسیمی اول قانمازا
گور سویولار، سویولماز؟

ایاق ییخیلدی جانسیز
اوره ک دایاندی قانسسیز
ظالیم فلک الیندن
کدر چکدیم حسابسیز

گؤیدن یئرہ گون ائنمز
فلہ یین چرخى دؤنمز
دریالاری آشیرسان
باغریمین اودو سؤنمز

توپراق کی دردی قانماز
یاتمیش لاریم اویانماز
اوره کدن بیر آه چکسم
داغلاردا داش دایانماز

بیر گونومو یوز ایل یاز
 گل قاپیدان سوزول یاز
 گول آچیب بار وئرمه دیم
 نئیلیم گل سین بو ایل یاز

یوخسولون کسی اولماز
 کیمی کیمسه سی اولماز
 آتار ائللین طایفاسین
 بیرهم نفسی اولماز

قوش اوچانماز قانادسیز
 گول دایانماز دایاقسیز
 منیم عزیز ائللریم
 سیزلر مننه دایاقسیز

هامار یئرده سو دورماز
 سو دایانار سو دورماز
 اوره ییم ایستر سنی
 گؤزلریمده سو دورماز

باغرىمى آلان گلمز
يانىمدا قالان گلمز
ائله بالا بۇيوتدوم
دىلىنه يالان گلمز

جئيرانلار دوزه گلمز
داغ گزر دوزه گلمز
باختى ياتان اينسانين
هئچ ايشى گؤزه گلمز

دردلریم سؤزه گلمز
هئچ ايشيم گؤزه گلمز
يار دولانار هر يانى
بیر تکجه بيزه گلمز

گول ياشاماز چمنسيز
هارا گنديبسن منسيز
نئجه گزيم دولانيم
قراريم گلمير سنسيز

دولانار کندی گلمز
 برہ نی بندی گلمز
 اورہ یمین پاراسی
 آغزیمین قندی گلمز

گول بسلہ دیم باغوانسیز
 دوه تاپدیم سروانسیز
 منیم عزیز ائلریم
 سیز دردیمه درمانسیز

بولبولوم گولہ گلمز
 گولہ سونبولہ گلمز
 اورہ ییم ایستہ مه سه
 هئچ آدی دیلہ گلمز

شنلیک بیلمه رم سنسیز
 دئییب گول مه رم سنسیز
 دئسه لر عاشیق اولوب
 بیل کی او منم سنسیز

قالیب دیر لالا یالقیز
او باختی قارا یالقیز
یوخدور کسی کیمسهسی
بس گئتسین هارا سن سیز

بوغداسیز اکین اولماز
دن اولماز اکین اولماز
یاریم گلیب چیخماسا
اوره ییم ساکین اولماز

قارا باتدی داغیمیز
قارات اولدو باغیمیز
پاییزین یئلی اسدی
تؤکولدو یار یاغیمیز

کئچدی جاوان چاغیمیز
چالخانندی آیرانیمیز
آه چکیب قم اودوندان
قارالیبیدیر قانیمیز

چیچکلندی باغیمیز
 گوللندی ائیوانیمیز
 آرزیمیز یئرین آلدی
 گلدی شنلیک چاغیمیز

داغلارین داشی دورماز
 یئل ده بیر داشی دورماز
 یئتیم لر آغلاشاندا
 گۆزومون یاشی دورماز

کاغاذ یازسام سیلینمز
 درده دوشسه م بیلینمز
 یوخسول جانیندان کئچر
 آما آدی دئییلمز

گۆزلیم باغلی قالماز
 موشکولون باغلی قالماز
 آلاه سیندیران قیفیل
 هئچ زامان باغلی قالماز

آراز داشى قوروماز
داشىن ياشى قوروماز
بىر اوخ دىيب سىنەمە
گۈزوم ياشى قوروماز

هئچ گلېندىن قىز اولماز
كورە كىن اوغول اولماز
تەرازىنى دوز ئىلە
يىداد ال وورار دوز اولماز

گۈزلىم دىن اولماز
ھەر گولو دىن اولماز
حاقدان اوز دۈندىرەنە
دوز يول گۈستىن اولماز

گزمە رىم باغى سنسىز
باھارىن چاغى سنسىز
ايرىلىقدان ارىدى
باغرىمىن ياغى سنسىز

یوخدور دایاغیم سنسیز
 گلمیر آیاغیم سنسیز
 خزان اولدو تۆکولدو
 چیچکلی باغیم سنسیز

اوره ییم شان- شان سنسیز
 اولوبدور شان- شان سنسیز
 باغیریمی قالخان قویدوم
 اوخلارا نیشان سنسیز

اچوبدور قوشوم سنسیز
 باشیمدان هوشوم سنسیز
 قیچ سیندی بئل بوکولدو
 یوخدور دوروشوم سنسیز

داغلار قالدی چمنسیز
 گولو نئیلیرم سنسیز
 یوخو حارامیم اولسون
 گۆزومو یومسام سنسیز

گول آچمير باغيم سنسيز
قارادير باغيم سنسيز
زامان دۇندو ايل دۇندو
دايانمير چاغيم سنسيز

گۇزليم گئتدى گلمز
گۇزلردن ايتدى گلمز
آيرىليغين ياراسى
باغريمدا بيتدى گلمز

حارام مال يئمك اولماز
نوش اولماز يئمك اولماز
جىييم بوش باغريم دولو
هر يئردە دئمك اولماز

اينسان اولر ديريلمز
گۇزدن ايتىر گۇرولمز
اونايخشى دئيرلر
اوره ك سىنديرا بيلمز

بیزیم گۆلده قاز اولماز
 اۆردک اولماز قاز اولماز
 هئی کوسوب هئی باریشماق
 بئله ارکی ناز اولماز

آرازین داشی دورماز
 سئل گلر داشی دورماز
 آنا دئییب آغلارام
 گۆزومون یاشی دورماز

یول اوسته اکین اولماز
 دن اولماز اکین اولماز
 ییغسالار گۆزللری
 بیرى سنین تک اولماز

گۆزمو سیلن اولماز
 دردیمی بیلن اولماز
 ییخیلسام اوزوم اوسته
 وای یازیق دئین اولماز

هر دیک گلن داغ اولماز
خرمن گولو باغ اولماز
یوخسول جانیندان کئچر
آما اوزو آغ اولماز

بالام کیمی گول اولماز
قونچا اولماز گول اولماز
گولدو عاغلیمی آلدی
بئله شیرین دیل اولماز

گوئلردن باخیردی یاز
باغا گول تاخیردی یاز
سئوگی لر آدین یازسان
منی ده آخیردا یاز

داغلار باشی دوز اولماز
هامار اولماز دوز اولماز
ملاححتلی قاراشین
بیر بئله داد دوز اولماز

مرد اوغول اصلین آتماز
 دوشونن فاخیر ساتماز
 دده بابا سـؤزودور
 ائل وئرن آد کی باتماز

قناد چالان قوش اولماز
 کولک گلر قیش اولماز
 پولسوز بئکار دولانماق
 جوان اوچون ایش اولماز

آرازدان کئچمک اولماز
 لیل سودان ایچمک اولماز
 قارباز چالان اوره یی
 باخیشلا دئشمک اولماز

هر قیزاران نار اولماز
 هر یئتیشن بار اولماز
 وفالییا جان قوربان
 بی وفادان یار اولماز

دوزلوق حاصل بىتىرمىز
آغاجى بار گىتىرمىز
مرد او كىسه دىيىرلىر
دوز - چۆره يى ايتىرمىز

ائىنالى قوشسوز اولماز
قوشلارى هوشسوز اولماز
تبرىزىن قىزىل داغى
هئچ وقت گۆروشسوز اولماز

بولود گلر داغ اولماز
گول چىچە يى داغ اولماز
سنىسىز آغلار گۆزلىرىم
اورك دردىم ساغ آلماز

يئل قووزانار قان ياتماز
اييىد يوردونو آتماز
عۆمور گئدىر گون گئدىر
قورشون زامانا چاتماز

پنجره دن باخان قیز
 اله خینا یاخان قیز
 نه دئسن گؤزوم اوسته
 سن سولطانسان یا خان قیز؟

هر گلین سارا اولماز
 تئللری قارا اولماز
 آرزیم یئرینی آلسا
 باغیریمدا یارا اولماز

عمل گلر جان دورماز
 قلینج کسر قان دورماز
 اینسانا اودا آتسان
 تۆهمت کیمی یانديرماز

ارکک وار کیشی اولماز
 زامانلا اییشی اولماز
 نیگارلار اوردو قیرار
 آدلاری دییشی اولماز

هر سودان ایچمک اولماز
سئوگیدن کئچمک اولماز
سینه دولو قاباردی
قلم له ایشی اولماز

سهندین داشی دورماز
سئل گلر داشی دورماز
آنا دئییب آغلارام
گؤزومون یاشی دورماز

یئل یاتار قان دورانماز
کؤز سویو یانديرانماز
بوش بئینین اینسانلاری
فلکده قانديرانماز

داغلار جانیم داغلارسیز
محبتی پایلارسیز
یئلرده نفسیم وار
اینسانلیغی هایلارسیز

قار اوستونده قوش اولماز
 دن تاپسادا نوش اولماز
 يالانچى نين باشيندا
 عاغيل اولماز هوش اولماز

هر آغاجدا بار اولماز
 هر قيزاران نار اولماز
 دونياني آختارسالار
 سنين تكين يار اولماز

ايش باشاران كيرىخماز
 ايشين گورر داريخماز
 قدير بيلن قوجالماز
 محبت ياددان چيخماز

هر قووزانان يئل اولماز
 هر داشلانان سئل اولماز
 چوخلارى چالار منى
 هامى شيرين ديل اولماز

داغلار بولاقسیز اولماز
چاپار یاراقسیز اولماز
گلیرلی آتام ائوی
بیر گون قوناقسیز اولماز

باغلاری دومان آلماز
چن آلماز دومان آلماز
یادلار آلا کؤنلومو
اوقاشی کامان آلماز

من عاشیقام گوله نار
بولبول ایله گوله نار
بو دونیا قم خانادیر
آغلیان چوخ گولن آز

بولاق درین یا دایاز
سحر سرین یا آیاز
اوخو کیتابلاریمی
دردیمی یادلارا یاز

اوخوم چوخ یای تاپیلماز
اولدوز وار آی تاپیلماز
یوردومدا قوچاق چوخدور
بابکه تای تاپیلماز

(س)

اورمو گؤزودو سالماس
دوشمنی اوزدو سالماس
وطنین یاغیلارین
بیر ساپا دوزدو سالماس

پنجره ده گوللو یاس
یاسلاری دوواردان آس
یا دوز گینن تئلله
یا گؤتور باغینا باس

آغاج وئرن قول اولماز
هم ساغ هم سولو اولماز
نه یار اولدون نه یولداش
بیزه گلن یورولماز

آينا اولدو نىدىن كاس
كىمى گۇرسون او مىراث
گۇزوم تۇكر قان ياشى
بو حسرتە يوخ قىياس

بولبول گولە گلىدى راس
اورىيىنە قوندىو پاس
پايز قوودو چمنى
گول توتدىو حسرتلى ياس

آغاج اوستە آل گىلاس
قارا گىلاس آل گىلاس
تامارزىلار حسرتىدى
بىرجه نظر سال گىلاس

اوزويومده قاش آلماس
مىروارىدان باش آلماس
سن گلىدىن اوزوم گولدىو
گۇزوم اولماز ياش آلماس

میز اوسته شوشه گیلای
 قورخورام دوشه گیلای
 ایچدیم باغریم قانیندان
 ائیله دیم نئشه گیلای

ائیوان اوسته آغ گیلای
 باغلانیبیدیر باغ گیلای
 آلاه منی ساخلاسا
 جانیم اولار ساغ گیلای

آغاجدا چیراق گیلای
 گلین بیر قیراق گیلای
 چینى بوشقاب ایچینده
 دویونجان یئه ک گیلای

گوشوارا منه گیلای
 قیرمیزی دنه گیلای
 سالدیم قولاقلاریمدان
 بنزهرم سنه گیلای

یئل قووزاندی گلدی سس
توپراقلار آلدی نفس
قوشلار بورغونو چالدی
آچیلدی باغلی قفس

(ش)

بیر قلم وار بیره قاش
بیر چاخماق وار بیره داش
نه نامرده یاخین گئت
نه ده اول قوهوم قارداش

خوش گونوم دمیم قارداش
آرخام کؤمه ییم قارداش
سنه بلا گلمه سین
یانسین به به ییم قارداش

آلا گؤزلو قلم قاش
سنه قوربان اولام کاش
حیله کارا قونوشما
نه دوست اولار نه قارداش

قیزیل اوخودوم قارداش
 بیر شان توخودوم قارداش
 نییه منی سایمادین
 بس من یوخودوم قارداش؟

گؤز لیریم اولدو قان یاش
 آغلادیم یاواش - یاواش
 منیم قیچیم سینایدی
 سنندن اولونجا هاماش

قئیدینه قالیم قارداش
 قادانی آلیم قارداش
 سن گلن یول هاردادی
 من قاناد چالیم قارداش

قارات اولان باغ ایمیش
 بو سارالان تاغ ایمیش
 اوره ییمدن دیکه لن
 بیر نیسگیللی داغ ایمیش

بو باغلارنى قار آلمىش
چىچىك قار آلتدا قالمىش
باغقا قىيرو گىلندە
گولون رنكى سولارمىش

خىزىن دۇورەسى داش
اۋردىك لىرى ياشىل باش
بىردە گىلىب خىزى
گۇزوم اىلە گۇرم كاش

يول اوستە آتلى قارداش
يوكونو چاتدى قارداش
اوزون دۇندردى گىتتى
منى سارالتدى قارداش آى

اورەيى اولان داش
گل گىنن بىزە بىر باش
كاغاذدان ائلچى اولماز
باجى گۇندىر يا قارداش

گل گلندن بیزه بیر باش
 گوژ گوژسون تزه بیر باش
 آی عؤمرومون باهاری
 عؤمرومو بزه بیر باش

عمل یامان کسرمیش
 یول اوسته تله سرمیش
 غفیلدن آنام گئتدی
 آنامدا تلسرمیش

داغ باشیندا قارا داش
 بورونوب دور قاراداش
 یازدیم اوره ک دردینی
 دوشدو گتدی هارا داش

بار وئرن باغلاریمیش
 چیچکلی داغلاریمیش
 شهیدلرین یاسیندا
 داغلاردا آغلاریمیش

باغدان اوچان قوشوموش
او آوازی خوشوموش
قوش گلدی آنا گؤرسون
آنا یئری بوشوموش

آرخام دایاغیم قارداش
سسیم هاراییم قارداش
آتام کؤچوب گئندن
سنسن دایاغیم قارداش

بو باغلار قاریش - قاریش
باغلارا اکدیم ناریش
قارداشیم کوسوب گئندی
دئهنیم یوخ گل باریش

دریادا گمی قارداش
اکیسن زمی قارداش
باغیریمی درد آلاندا
یاداسال منی قارداش

داغدا توفان وارايميش
 داغ آغاردان قار ايميش
 اينسان اؤزوكى اؤلمز
 جان آلان آخ وای ايميش

الينده هاجار قارداش
 قيفيلار آچار قارداش
 منى آتیب گئندن
 قالمیشام ناچار قارداش

قیلینجی گوموش قارداش
 دوشمن له دوروش قارداش
 من یاداینا دوشنده
 حالیمی سوروش قارداش

قاپیدان گیردی قارداش
 گؤزومو سیلدی قارداش
 گؤردو سولموش رنگیمی
 حالیمی بیلدی قارداش

دوشمنه قنیم قارداش
سسینه گلیم قارداش
وطن هامینینکی دیر
نه سن، نه منیم قارداش

آرخاما دیدی بیر داش
گؤزوم تۆکدو قانلی یاش
قوربت ده جانیم چیخدی
نه باجی وار نه قارداش

ایپک فرش آلیم قارداش
یولونا سالیم قارداش
خسته دوشوب وای دئمه
قادانی آلیم قارداش

گل سانایاق چوخدو باش
بۇرکو قالیب یوخدو باش
بو دونیا حیلہ کاردی
بئلر بوکوب ییخدی باش

گۆيىده شاخاندان دا قاچ
 يئره باخاندان دا قاچ
 ايكيسى ده جان آلار
 او جان آلانان دا قاچ

ائلر گوللو داغيميش
 دورد دؤوره سى ياغيميش
 قيزلار شكى آلماسى
 ياناقلارى ناريميش

(غ)

گول چيچكدن بولدو باغ
 يولچولارا يولدو باغ
 هر گلن بير داش آتدى
 گول اوستونده سولدو باغ

گول آچيب دير بيزيم باغ
 جانيم روحوم گوزوم باغ
 بولبول قارتال الينده
 نئجه باخيم- دوزوم باغ!

نه چانقىللى داشدى باغ
كىملر گلىدى آشىدى داغ
باغرىن آچىب يول ساليب
ائللره يولداشىدى داغ

حاصيل وئردى بيزيم باغ
قاندا دولو اوزوم باغ
محصولون يادا آپاردى
بىردويمادى گؤزوم باغ

چىچىك دن دولودور داغ
جئيرانلار يولودور داغ
مىرد ايسىدلر مەكانى
ائلين ساغ سولودور داغ

حاصيل وئردى اوسته باغ
آغاچ دولو پوسته باغ
يار گلىب مئويه درسه
ساخلا گؤزون اوسته باغ

قیزیل گولو دردییم باغ
 سئوگیمه گؤندر دیم باغ
 یار گولومو آلمادی
 یئنه درده گلدییم باغ

من عاشیقام گولدو باغ
 گولدو دره گولدو باغ
 دئدییم اوره ک دردیینی
 چیچک لنیب گولدو داغ

شامامادان دولو تاغ
 بیرجه تیکه کولدو تاغ
 بارین یادلار آپاردی
 بیلمه دیم نه اولدو تاغ

قارا باتیب قارا داغ
 اوزون توتوب هارا داغ
 آختاریخان چوبانی
 قم چکیر آشکارا داغ

چىچىك دن بوروندو داغ
اوزاقدان گوروندو داغ
گوردوم داغچىلار ايزين
اوره ييم سويىندى داغ

يئنه قارا باتدى داغ
گوزون يوموب ياتدى داغ
يالقيزلىقدان قم چكىب
باغرىمى قارالتدى داغ

(ق)

بو بولاق سرين بولاق
چىممهلى درين بولاق
ايتيرميشم سئوگىمى
بىر گؤستريئرین بولاق

گئتسین يادا آيرىلىق
بو دونىادا آيرىلىق
من و آللاه تايم يوخ
آخا- وایا آيرىلىق

سندە گۆزوم آيريليقي
 گلمير سۆزوم آيريليقي
 بالام اوزاق سـفـرـدـە
 نئجه دوزوم آيريليقي

گول اوسته سيندى بوداق
 اييلدى سيندى بوداق
 دؤيوشدوم ائل يولوندا
 نه قول قالدى نه بوداق

ياش اودون قورو اوجاق
 آليشمير سولو اوجاق
 يوخسلو توستونو چكىدى
 نه اود تاپدى نه اوجاق

سئوگى يوللارى بوروق
 دولانديم اويوق - اويوق
 اوزدن دؤندردى گئتدى
 بى وفا قانى سويوق

مىز اوسته تازا قايماق
قايماقدان اولماز دويماق
بد اصيله كار كىسمز
نه اۆلدورمك نه وورماق

دىل قورو يانمىش دوداق
يوردومدان دوشودوم اوزاق
وطن دئىيب جان وئردىم
سىزىن جانىزدان ايراق

آختاردىم سنى باياق
اولاسان مېنه داياق
گئىدك ظولومات يولو
ساروانلار گئىدن ساياق

فلك سالدى دومانلىق
ئىويم اولدو سامانلىق
يول اوسته چادىر قوردوم
گۆرْمه دىم امانلىق

يولدان قاتار گلە جک
 قاطاردا يار گلە جک
 اورە ييمين سئوگی سی
 الينده تار گلە جک

قوردلار سئور دومانليق
 قاپی دؤیر يامانليق
 هوشون باشيندا اولسون
 اله دوشمز جاوانليق

اوجا سروه دايانديق
 يوخلاماديق اويانديق
 بىد اصييلر اودونا
 اود توتوب بيزده يانديق

شنليک وار قمدن آرتيق
 گول وار چمندن آرتيق
 آتا- آنامدان سونرا
 کيميم وار سندن آرتيق

بىرىنى توتسا دارلىق
چىتىن اولار يامانلىق
ياپىش يوخسول يىندن
سەنە قالسىن اوز - آغلىق

يوخسولدا اولماز وارلىق
چارقات اولدو جورابلىق
حسرت توكونو توكور
تئلى قالماز داراقللىق

اود باغرىندا ياناچاق
قىش اىستىدە ياناچاق
من ياندىم ائل يولوندا
ائل دە منە ياناچاق

گتيرىب دىر بىر يايلىق
چرشنبە لىك بايراملىق
من يايلىغى نئىلىرم
اىستىرم سەنە ساغلىق

گۆتور سازین چال آشیق
 ائل دردینه قال آشیق
 گیزلین دردی آلان یوخ
 گل دردیمی آل آشیق

سن گئتدین یاتدی آیاق
 نه قول قالدی نه بوداق
 قان اولدو باغریم گؤزو
 بوزولدو گولر دوداق

بو بولاق نظر بولاق
 باغلاری بزر بولاق
 قیزلار کوزه دولدورار
 چینینده گزر بولاق

گل حسرتی سیندیراق
 هیجرانین بوینون قیراق
 اورمانلارین باغریندا
 قوش کیمی یووا قوراق

(ك)

داغلار دوزو گول چیچک
گوللری بیرده بیچک
لاله توتان قدح دن
سئومه لی شراب ایچک

ال اوستونسه ال گرک
ساچ هؤرمه یه تئل گرک
دوشمنی تالاماغنا
جانندان کئچن ائل گرک

من سئون سارا گرک
تئللری قارا گرک
درد توتوب باغریم باشی
دردیمه چارا گرک

گلین بیر باغا گئدک
گوللو یایلاغا گئدک
آتاق یوخسوللوق داشین
بیزده بیر آنی گئدک

اوجا دوواریم دیر ارک
 آر خام دایاغیم دیر ارک
 تاریخمیدن بیر نیشان
 دؤولتیم واریم دیر ارک

(ل)

دور گل دولان بیزده قال
 سئومه لی تبریزده قال
 اگر سئویرسن منی
 نئجه گونده بیزده قال

آغ اوزونده قارا خال
 نه یاراشیر یارا خال
 باخیشین جانیم آلیر
 باغیریم اولور یارا خال

الینده قلم گؤزل
 خط گؤزل قلم گوزل
 آیریلیق دردین چکن
 یولوندا منم گؤزل

گۈزلىم يازلاردان آل
چىچەيى يازلاردان آل
من كى گئدرگى اولدوم
سسیمی سازلاردان آل

پتك دولو شیرین بال
شیرین شکر شیرین بال
بالدان كى شیرین اولماز
دونیادا بیر شیرین بال

بو آراز نیل دیر گۈزل
دۈوره سی گول دور گۈزل
اینسانا فرح وئرن
بیر شیرین دیل دیر گۈزل

من عاشیقام دیلدی بال
دوداق شیرین دیلدی بال
گۈزلیرىن جانلار آلار
جانلار وئرن دیلدی بال

بیزیم باغدا واردی گول
 چیچک لنین ناردی گول
 گوللردن اوزو گول
 گول قونچاسی یاردی گول

چیچک لنیب سنده گول
 سنده دانیش سنده گول
 آپارم—پسان کؤلوم—
 قالیبیدیر سیننده گول

باغدان دردییم دسته گول
 دسته توتدوم دسته گول
 قوجاق دولو پایلادییم
 سئودییمه دسته گول

قونوب بوداغا بولبول
 اوز توتوب باغا بولبول
 قاناداندی اوچماغا
 دوشدو دوستاغا بولبول

باغ اوسته سارى بولبول
دولانير باغى بولبول
اوره ييمين دردينى
دينديرىب آلى بولبول

خوش گلدين يازا بولبول
گليسن تازا بولبول
عاشيق لرین آدینی
ساليلار سازا بولبول

دولاندين باغى بولبول
سحرین چاغى بولبول
سؤيله گلسين يارما
گۆرسون دوستاغى بولبول

قاش گۆزو قارا بولبول
گئيرسن هارا بولبول
دئيل لر عاشيق لرى
چكىلر دارا بولبول

آی گلیب چاتان بولبول
 عیشوه - ناز ساتان بولبول
 اوخو منیم ماهنیمی
 اویانسین یاتان بولبول

کۆینه یی ساری بولبول
 گۆروبسن یاری بولبول
 اوخو روحوم اویانسین
 آپار قوباری بولبول

گل منه ساری بولبول
 آی دونو ساری بولبول
 دردییم حسابا گلمز
 چوخالیب سایى بولبول

اویانیدین سحر بولبول
 آپاردین قه هر بولبول
 بیر آت تاپدییم یارالی
 اؤزوده کههر بولبول

اوپورسان آستا بولبول
دولان گول اوسته بولبول
سئوگى يولون گزمكدن
اولموشام خسته بولبول

گول اوسته شئيدا بولبول
اوخويور شئيدا بولبول
سن عاشيق من يارالى
اؤلدوك بو يولدا بولبول

باغلارا اوچدو بولبول
گول اوستن قاچدى بولبول
آيريليقدان آغلاديم
اوره ييم داشدى بولبول

گول وئرديم يازا بولبول
گؤزل گولبازا بولبول
اوره ييمين دردينى
يازيم كاغادا بولبول

دیل وئر دیلدارا بولبول
 گزمه آوار بولبول
 چوخلارینی گول اوسته
 چکدی لر دارا بولبول

گول آچیب تزه بولبول
 دییردی گؤزه بولبول
 گول اوستونده یئرین وار
 گل باغی بزه بولبول

قانادین چاتما بولبول
 گول اوسته یاتما بولبول
 سن کؤچری من یئرلی
 گل منی آتما بولبول

گل دولان داغی بولبول
 چیچکلی باغی بولبول
 آیریلیقدان ارییب
 باغریمین یاغی بولبول

قیزیل گول آچدی بولبول
گونش نور ساچدی بولبول
باغوانین سسی گلدی
دیلیم دولاشدی بولبول

نه ساری دوندو بولبول
گول اوسته قوندو بولبول
گلدی باغا یاراشدی
سنئوگیلیم اولدو بولبول

سن سنئون گولدو بولبول
دردینی بیلدی بولبول
منی ده آتیب یاریم
دردیمیز بیردی بولبول

اوره ییم داشدی بولبول
کدریم قاشدی بولبول
گۆزومده حسرت یولو
داغلاردان آشدی بولبول

يارام وار نئچه بولبول
 باغريمى بيچه بولبول
 اووجومدا گؤز ياشلاريم
 چئشمه لر گئچه بولبول

اليمدن اوچدو بولبول
 داغلارا قاچدى بولبول
 گؤزوم يولوندا قالدى
 اورمانلار آشدى بولبول

چنده گل دوماندا گل
 محبت اوماندا گل
 عشقين كاوى گؤلونده
 قولانيب جوماندا گل

باغلارين باغيندا گل
 ائينالى داغيندا گل
 سحر واقتي گلمه سن
 آخشامين چاغيندا گل

قوربت يئردە قالان گل
منى يادا سالان گل
يوللارينا گۆز تىكىب
او مهربان خالان گل

سورمه تىكىن گۆزده گل
دولان گىننن ايزده گل
شنلىمىن چاغىندا
آراز بارى سۆزده گل

قونچالار گول اولدو گل
دانشان دىل اولدو گل
اه چكىب قكم اودماقدان
گونلريم ايل اولدو گل

باھارين سونوندا گل
داغلارين دونوندا گل
چشمه لرين گۆزونده
تبريزين يولوندا گل

الیم قالیب یو خدا گل
 خسته اولسان تو خدا گل
 وارلییا هامی واردی
 مرد اییدسن یو خدا گل

دنیز لر جوشاندا گل
 دالغالار داشاندا گل
 دورنالار س—هندیمین
 باشیندان آشاندا گل

دایانیبسان گؤزده گل
 دولانیبسان سؤزده گل
 بوروق یوللار یادینکی
 سن منیمسن دوزده گل

باهاردا گل یازدا گل
 ماهنی تکین سازدا گل
 سحرین نفسینده
 سئودییم آیزدا گل

چىچكلر گولندە گل
بولوللر گلندە گل
باغرىمداكى دردىمى
دوشونوب بىلندە گل

آى سئومە لى پىرى گل
دىلېمىن ازبىرى گل
يادلار قالسىن اوزاقدا
سن منىمىن بىرى گل

دىلدە گىزىن سۇزوم گل
آى اورە يىمىم گۇزوم گل
يادلار قوربان اولانماز
سەنە قوربان اوزوم گل

حسرت باغرىم اويدو گل
تئىللىرىمى يولودو گل
سن گۇرن گول چىچكلر
زامان كىچىب سولودو گل

گون گندیب آی چیخدی گل
 ہیجران باغریم سیخدی گل
 گوژلریم یول یورغونو
 اوره ییم داریخدی گل

حسرت چکیر سارای گل
 هر هفته هر بیر آی گل
 داهها صبریم توکندی
 سسله ییرم هزارای گل

بوغدالار سوورولدو گل
 ساج اوسته قوورولدو گل
 زامان کئچدی ایل کئچدی
 دئدییین دوغرولدو گل

گول گلیب گولشنده گل
 باغدا گوژروشنده گل
 ائل گلیب گول آپاردی
 دورماغی قوی، سنده گل

آى چىخىب گون باتدى گل
قار يولو آغاتدى گل
آيرىلىغىن ياراسى
رنگىمى سارالتدى گل

كاغادىم يازىلدى گل
جهىزىم دوزلىدى گل
سەنە وئردىيىم ايلقار
گۇر نىجه پوزولدى گل

قوشلار گلىدى سەندە گل
قونوبلار چەمندە گل
گول چىچەك دىزە قالخىب
دستە توتدوم مەندە گل

حسرت باغرىم اويدو گل
تئللىرىمى يولدىو گل
سەن گۇرن گول چىچەكلەر
زامان كىچىب سولدىو گل

داغلارا قار دوشدو گل
 آغیرلاییب اوچدو گل
 بیر آیا وعده وئردین
 بیر ایل گلیب کئچدی گل

ساچلاریمی یولدوم گل
 یولوب یولا قویدوم گل
 خسته دوشوب سیزلادیم
 تانری پایسی اولدوم گل

چیچه ییم گل گولوم گل
 گولوم گل بولبولوم گل
 سندن اؤترو آچیلدی
 منیم باغلی دلیم گل

گولوستانیم مئشه م گل
 سنسیز اولماز نئشه م گل
 گئتدین حسرتده قالدیم
 آغلاماقدیر پئشه م گل

چیراغیم گل نوروم گل
مله ییم گل حوروم گل
نه قیچیمدا تاب قالیب
نه الیمده دوروم گل

بیزه گلسن آستا گل
گول باغلا دیم دسته گل
جانیمی قوربان دئدیم
سنین کیمی دوستا گل

داغدان بولبول اوچدو گل
اوچوب باغا دوشدو گل
داها صبریم قورتولدو
اوره ک جامی داشدی گل

قوشوم گل آی قوشوم گل
گؤزل قارانقوشوم گل
سنسيز عاغلیم هوشوم یوخ
منیم عاغلیم هوشوم گل

سلام پاشا موعلليم
 قوچاق ياشا موعلليم
 حياتين كيتابين
 چيخديم باشا موعلليم

گوله - گولچو موعلليم
 علمه ائلچى موعلليم
 ياغلى اولان ديلمه
 يوكسك ديلچى موعلليم

من عاشيق جان موعلليم
 جانيمدا قان موعلليم
 باغلى ديلم آچيلدى
 سنه قوربان موعلليم

مكتب سسى موعلليم
 ائل نفسى موعلليم
 هونرين سينديريب دير
 هر نفسى موعلليم

الده قلم موعلیم
آتام آنام موعلیم
منده سندن ألمیشام
یازان قلم موعلیم

چکدین کدر موعلیم
اوددون قاه هر موعلیم
سنله گزیب دولاندیق
هر بیر شه هر موعلیم

داغلار یاتاغیم منیم
گلین اوتاغیم منیم
داغلاردان آیری دوشسم
گلمز قراریم منیم

سن- سن دایاغیم منیم
سسیم سوراغیم منیم
بیر آن کدرلی گورسم
گولمز دوداغیم منیم

داغلا مننیم شاباشیم
 گلدیم شاباشدان آشیم
 یئنه سیزله گؤرشدوم
 آرخا باجیم قارداشیم

پرده تک اوزدن دوشدوم
 دانیشدیم سؤزدن دوشدوم
 بیلمه دیم کی نیئله دیم
 بیر بئله گؤزدن دوشدوم

سورولو داغلار مننیم
 چیچکلی باغلار مننیم
 چوبانین چالان نیئی
 باغیریمی چاغلار مننیم

داغی داشی گزرم
 گوللریننی اوزورم
 وفالی یار یولوندا
 هر ظولومه دؤزوم

اللىردە قىزىل اولدوم
ھامىدان گۈزل اولدوم
بىر نامردىن يولوندا
سارالدىم خزل اولدوم

گۈزلىم يارپاق اولدوم
گۈيردىم پىتراق اولدوم
او قدر وطن دىدىم
آخىردا تورپاق اولدوم

قاچىردىم بندە دوشدوم
قافىل كمندە دوشدوم
چىمنى بىنمزدىم
تىكانلىقىدا گۈرۈشدوم

گۈزلىم دولان گۈزۈم
گۈز گۈزۈم دولان گۈزۈم
سن گىتسن قان ياش تۈكر
قىھردن دولان گۈزۈم

داغى داشى گزرم
 گوللرىنى اوزهرم
 وفالى يار يولوندا
 هر ظلومه دوزهرم

لالهلى داغلار گۇيلوم
 چىچكلى باغلار گۇيلوم
 سن گلشن گوله دولار
 دونيانى چاغلار گۇيلوم

آلما دريب سويموشام
 آغ بوشقبا قويموشام
 گوزوم باخير يار گورمور
 گوزومدن ده دويموشام

اوخو كيتابىم منىم
 خالقا خيتابىم منىم
 عۇمرومه گومانىم يوخ
 قوى قالسىن آدىم منىم

دولانیدیم باغدا قالدیم
ایلشیدیم داردا قالدیم
فلک ائوین ییخیلسین
منی نه گونه سالدین

سالام آی یاخین دوستوم
یاخین دان یاخین دوستوم
دایان گؤزوم اؤنونده
دویونجا باخیم دوستوم

سئودییم یازدیر منیم
چکدییم یازدیر منیم
جاندان کی قوربان اولماز
آغلیم دایازیر منیم

آغاج اوسته بار اولدوم
بیر نامرده یار اولدوم
وار دؤولتیم تالانیدی
ائل یانیندا خار اولدوم

عشقیمی دوستا سالدیم
 دوستون قئیدینه قالدیم
 بایاتی لاری وئردیم
 دوستون قاداسین آلدیم

آلیشدی یاندی باغریم
 سیررینی قاندی باغریم
 ائل دردینی چکمه دن
 بیر کاسا قاندی باغریم

باغا گیرمه دیم، گئدیم
 گولون درمه دیم، گئدیم
 بو دییاری دولاندیم
 یاری گؤرمه دیم گئدیم

آرازین داشی منم
 گؤزونون یاشی منم
 عاشیق لری ساییسالار
 هامیدان باشی منم

آغاج دان پوسته دردییم
پوسته نی خسته دردییم
نیسگیل تیکه گؤندر دییم
مهریبان دوستا دردییم

آتلانمیشام دوشمه رم
چیچک بوینو بیچمه رم
ائله یاددان چیخمیشام
هئچ یادلارا دوشمه رم

آلما منیم بار منیم
هئیوا منیم نار منیم
گل اوتور بیر دردله شک
گؤر نه دردییم وار منیم

بایرام گلیر آجالدییم
هوس لنیب اوجالدییم
جیبیمده بیر قرآن یوخ
آه چکمک دن قوجالدییم

بولاق باشیندا گزیدیم
 قلم قاشیمدا گزیدیم
 دیلیمده وطن آدی
 داغلار باشیندا گزیدیم

دنیزلرده دوز اولدوم
 آغیزلاردا سؤز اولدوم
 حاق کلمه سین دئمیه
 بیر یئنی بوغاز اولدوم

دیندیرمه دانیشمارام
 کوسموشم باریشمارام
 سن سویوقسان من ایستی
 من سنه قاریشمارام

داغلار گولون اوزهرم
 دسته توتوب بزهرم
 گئدیسن تئز قاییت گل
 صبر ائیله رم دؤزهرم

ائللره یاندى جانیم
دردلری قاندى جانیم
قالدیم جلاد الینده
مین جور دوراندى جانیم

بیر ایشیقلى فنارام
داخمالاردا یانارام
ائللر آی وای دئینده
آلشیب اولدانا نارام

بیر شاد گون گورنمه دیم
دانیشیب گولنمه دیم
جوان عؤمروم کول اولدو
قدرینی بیلنمه دیم

ستارخانای ایتیردیم
بایراغینی گؤتوردوم
اونون اوره ک سؤزلرین
ائللریمه یئتیردیم

یئل اسدی چایا دوشدوم
 نئشه لی لی آیا دوشدوم
 اوره کلرده دولاندیم
 دیلرده هایا دوشدوم

سرداردان بایراق آلدیم
 وطن دئییب دایاندیم
 دوشمنه باش ایمه دیم
 آل قانیما بویاندیم

یولا آلمما دوز گلیم
 باشلامیشام سؤز گلیم
 آیاقلاریم یورولسا
 سنه توتوب اوز گلیم

سورمه چک گؤزه گلیم
 بییرده اوز - اوزه گلیم
 عؤمور منه یار اولسا
 دولانیم سیزه گلیم

ياشايشدا اۆتۈشۈم
دوز ايزلردە گۈرۈشۈم
نئىنىم يازىم بئلىمىش
آه چكىب درده دوشۈم

من سنله باغ گزەرم
چانقىللى داغ گزەرم
درده، قىمە قاتلاشيب
سنىنله ساغ گزەرم

فلەك ووردو آغلادىم
اورە كلەرى داغلادىم
آنەمىن دونون تاپىب
يارام اوستە باغلادىم

گۈزاوستونە قاش ايمەرم
قاشى ياواش ايمەرم
بىرتەك تانرى دان باشقا
هئىچ كەسە باش ايمەرم

ایلمک سالدیم قارالدیم
 جانیم چیخدی سارالدیم
 امه ییم هئچه گئتدی
 اوت اوستوندن بار آلدیم

گۆیلردن یئرہ دوشدوم
 ائللریله اؤتوشدوم
 چوخ شوکور عؤمروم اولدو
 اوجالاردا گؤرۈشدوم

گئندہ یولا سالدیم
 سنین قئیدینه قالدیم
 سن شنلیکده یاشادین
 من دردیندن قوجالدیم

قم باده سین ایچهرم
 ائل یولوندان کئچهرم
 الیمده علاج اولسا
 ائوسیزه ائو تیکهرم

دوشوندىم درىن اولدىم
سنىن ساغ الين الدوم
بو كنده قوناق گلدىم
آنا گلين اولدىم

سن گتدىن من قالمىشام
آيرىلىقدان يانمىشام
يوللار گولو تانىشىم
گۆزوملە سووارمىشام

ائىللىرىمى يوخلادىم
دوشمن لرىن اوخلادىم
وطنىمىن توپراغىن
گۆزوم اوستە ساخلادىم

گتتىدى آرخام داياغىم
دولدىم اورە ك چاناغىم
گۆز ياشىنى تۆكمە دىن
قوروممادى ياناغىم

مردیله آییاق اولدوم
 ائلله دایاق اولدوم
 یوردومون توپراغیندا
 بیراینجه بولاق اولدوم

بولاق کیمی آغلادیم
 اوره ییمی داغلادیم
 سنین تک نامرده من
 نییه اوره ک باغلادیم؟

بو بایرام قارا بایرام
 قمی بیر شله بایرام
 آنامی مندن آلدین
 باتایدین یئرله بایرام!

ایمان کیمی اسمیشم
 یار یولونو کسمیشم
 نییه گلیب گئتمیرسن
 دئییرسن بس کوسموشم؟

داخما گلىن اوتاغىم
ظولوم خانام ياتاغىم
بىر گزىب دولانمايدىم
حسرت قالدى داماغىم

داغلارى آشدىم گلدىم
يوللارى قاچدىم گلدىم
يوردوم يادىما دوشدو
قوش كىمى اوشدوم گلدىم

باخدى سوزگون گۈزلىرىم
ياردان اوزگون گۈزلىرىم
من كى سندن دويمارام
باخسا يوزگون گۈزلىرىم

منى تانىر تىرىزىم
ئىل يولوندا وار اىزىم
هر نامردىن اۋنونده
تيتره مەيب دىر دىزىم

گۆیلردە قوش اولایدیم
 اوخویوب خوش اولایدیم
 سن اوخونو آتاندا
 اوخونا توش اولایدیم

آغاج اوسته بار منیم
 آل کۆینه کلی نار منیم
 یوردوم شئرلر مسکنی
 دای، نه قمیم وار منیم

یاشا قوجا وطنیم
 ائل بویونجا وطنیم
 داغلار گزدیم گۆرمه دیم
 سندن اوجا وطنیم

بولاق گۆزلی و وطنیم
 آیینا اوزلی و وطنیم
 هر نه یین خوش دور منه
 دادلی دوزلی و وطنیم

آدى پارلاق وطنىم
ياشىل يايلاق وطنىم
شەيدلرېن اووجوندا
قانلى تورپاق وطنىم

شاھلار يىخان وطنىم
اودا ياخان وطنىم
اييىدلرېن بويوندا
حئيران باخان وطنىم

گوموش چايلاق وطنىم
گوللو يارپاق وطنىم
دۇيوشلر دە اوچالان
قانلى بويلاق وطنىم

ايىفتىخارېم وطنىم
روحوم جانىم وطنىم
اۇلسم سىن يولوندا
يازار قانىم وطنىم

داش چانقىل ايچين ده يم
 خرمن ده بيچين ده يم
 آديم ديلىلر ازبىرى
 ائللرين ايچين ده يم

داغلاردان دوزه دوشدوم
 ائل ايزينده گوروشدوم
 آنا وطن يولوندا
 هر ظولوما اؤتوشدوم

ياز گلسه منده گللم
 دوماندا چنده گللم
 ائللره شنليک وئريب
 ياشيل چمنده گللم

ياتماديم اوياق اولدوم
 ائللره دايق اولدوم
 كؤلگه م دوشدو چمنه
 قيرمىزى بايراق اولدوم

فلک قويماز ياشييام
قم كدرى داشييام
قوزولارا هئى دئيين
چوبانلارا يولداشام

باشى دومانلى منم
اۋرپه يى آللى منم
نرگيز تۋكر گۈز ياشى
ينه سى خالى منم

(ن)

داغدان گلديم دوزه من
گول باغلاديم سيزه من
پاخيلين گۈزو چيخسين
قويماز گلم گۈزه من

چيچك گلرسئل ايله
اويناقلايار يئل ايله
ميين درده درمان اولار
بيريجه شيرين ديل ايله

گئجه كئچدى ياريدان
 مدد ايسته تاريدان
 سن ناساز من چارا سيز
 پتك بوشدو آريدان

تاپمادين منيم كيمي
 آوارا گليلين كيمي
 قوورولدوم اودلاريندا
 اولماديم سنين كيمي

قوشوللام قوشلارايله
 او ياشيل باشلارايله
 اوچارام دييار- دييار
 گؤزل يولداشلارايله

دوز اولدوم دؤزنامه دين
 آغزيني بوزنامه دين
 اييلديم كمان كيمي
 آماسن دوزنامه دين

آى دوغسون دوزده قالسىن
ايشيغى گۇزده قالسىن
ايرىلىغا تابىم يوخ
دىئ گلسىن بيزده قالسىن

خبر وئرن قوش اولسون
خوش خبرلر نوش اولسون
اچىلسىن قىملى كۇنول
عۇمور بويو خوش اولسون

چن-دومان، داغا گلسىن
بولبولر باغا گلسىن
گىجە گوندوز گۇزلەدىم
بلکہ اينصافا گلسىن

دئىنن آراز دايانسىن
آخار سويو بولانسىن
اىللىرىلە سىسلەشىم
ياتمىشلا رىم اويانسىن

چالینمامیش تار اولسون
 سویولمامیش نار اولسون
 منی بو گونه سالان
 ائل یانیندا خار اولسون

اولدوز دوغوب آی اولسون
 باهار گئتسین یای اولسون
 هر کس منی قیناسا
 او دا مننه تای اولسون

گۆزلر ییمدن باخیرسان
 اوره ییمدن آخیرسان
 سن کۆنلومده گزنده
 یاندریر یسان یاخیرسان

اوره یی می اوزوبسن
 داماریمدا گزیبسن
 قریب قوش تک سن منیم
 گۆزومده گیزلنیبسن

گونش كىمى شاخارسان
آراز كىمى آخارسان
اوره يىم ده گىزله نىب
گۆزلىمدن باخارسان

آلىشىدىم شاملار كىمى
قىزاردىم قانلار كىمى
كوله دۇندوم تۆكۈلدۈم
اود توتموش داملار كىمى

سن باشىمدا تاجىمسان
اوره كده موحتاجىمسان
ھامىلاردان شىرىنسن
قارداشىمسان باجىمسان

قارا توت قارا چىخسىن
قولۇ دووارا چىخسىن
سنه يامان باخانين
گۆزۈنە يارا چىخسىن

دوشدوم قالديم هاردا من
 قيريلمايان داردا من
 گونش اوزو گورمه ديم
 خفه لنديم قاردا من

داغلاری آشدی جئیران
 داغایاراشدی جئیران
 آچیب اووچو بندینی
 قورتولوب قاچدی جئیران

گلدین گوزومده قالدین
 گزدین سوزومده قالدین
 آی قوربتی پیسله یین
 گئتدین اوزونده قالدین؟

گولو بیچه نه قوربان
 سویو ایچه نه قوربان
 آنا وطن یولوندا
 جاندا کئچه نه قوربان

آستا گلنه قوربان
تئلین هؤره نه قوربان
منیم بالام قوربت ده
اونو گوؤرنه قوربان

کاغاذ یازدیم قارادان
قوشوم اوچدو قالادان
هئج بالانی آنادان
آییرماسین یارادان

هاردان دئییم هارادان
سینه دولوب یارادان
دئنن گلسین خان چوبان
خبریم وار سارادان

قوش اوچدو ساری داغدان
اله دی قاری داغدان
فلهیین اینصافی یوخ
آییردی یاری یارادان

چوخو آجدی پارادان
 چوخو سیزلار یارادان
 ائللره بیر نظر قیل
 یئری گؤیو یارادان

من گتسم سن قالارسان
 عشقین کیمه سالارسان
 بیر آوارا قوش کیمی
 هر آغاجا قونارسان

گؤزلیم آی دا سنسن
 اولدوز دا، آی دا سنسن
 گؤزلردن گؤزل سن
 لاپ آیا تای دا سنسن

تبریز اوزون آغ اولسون
 دؤرد بیر یانین باغ اولسون
 گئدنلر کؤچدو گئتدی
 قالانلارین ساغ اولسون

باهار سنین یاز سنین
اؤرده ک سنین قاز سنین
شنلیک لرین هامیسی
قلم گؤتور یاز سنین

خوش گلدین صفا گلدین
چوخ چکدیم جفا گلدین
او قدر یولا باخدیم
آخیر بی وفا گلدین

دولانیدیغین داغ اولسون
گول دردییین باغ اولسون
یاخشى الیمدن توتدون
سنین اوزون آغ اولسون

دردیمی یازدیم باشدان
آلوو چیخدی آغ داشدان
قارداش دؤنر باجی دان
باجی دؤنمز قارداشدان

يئل گلسين دوزه گلسين
 گول چيچك گؤزه گلسين
 آلايه قلوبينه سالسين
 سئوگيليم بيزه گلسين

گؤزليم يئري قالسين
 دوز يول گئت يئري قالسين
 سنه آييري باخانين
 گؤزلي چئري قالسين

سؤزوم ائليمده قالسين
 يوردوم يئريمده قالسين
 يئر سالسين سينه لرده
 ائلين ديلينده قالسين

نه اولدو داغا گلدين
 دولاندين باغا گلدين
 بيزيم كندى بيندين
 سنده گزمه يه گلدين؟

نە خوش سارايا گلدىن
قىش چۇندو يايا گلدىن
درد اللىنن چىغىردىم
اولما ھاراييا گلدىن

گۈزلىم دوزە گلسىن
يول كاشان دوزە گلسىن
قارا تىللىرىن دارا
تۈكۈلسۈن اوزە گلسىن

بو گلن جانىم اولسون
داماردا قانىم اولسون
گندىرسن تىز قايىت گل
قوربانىن جانىم اولسون

سو گلىب آرخى دۇنسون
دولانىب چارخى دۇنسون
فلەيە بىل باغلاما
فلەيىن چارخى دۇنسون

قاپيدان پرده دوشسون
 دوشوب يئرده گؤروشسون
 يوردومون دوشمانلاری
 ساغالماز درده دوشسون

گولدن عطير آلانين
 يولا چادير سالانين
 گئجه يوخوسو گلمز
 ياری يولدا قالانين

ياتمارام اوياغام من
 ائللره داياغام من
 دوز يول گئدن اينسانا
 هميشه آياغام من

سن ظولماتا داش آتدين
 آی اولدوزا قاش آتدين
 قمدن دولان باغريمی
 گؤز لريمدن بوشاتدين

گؤزلیم مرده یاخین
ال اوزات مرده یاخین
نامردلره قوشولسان
گئدرسن درده یاخین

آیری دوشدوم ائلیمدن
فلک ووردو بیئلیمدن
داها منیم گومانیم
یوخ کی قالخام یئریمدن

آرپا چایی دایانسن
مین بیر رنگه بویانسن
سارانسی آپاران سئل
آلیشسین اودا یانسن

بو چایی سئل آپارسین
گؤلونو یئل آپارسین
خانلارا پای اولونجا
سارانسی سئل آپارسین

آچیلدی گول گلمه‌دین
 اوچدو بولبول گلمه‌دین
 باغ دولو سونبول اکدیم
 سولدو سونبول گلمه‌دین

یاغیش یاغسین دایانسین
 گوئی قورشاغی بویانسین
 قئیرتسسیز ایسنانلارین
 بویو یئر آلتدا قالسین

آیری دوشدوم آنامدان
 او دردیمه یاناندان
 اوره ییم حسرت چکر
 بو نیسگیلی قاناندان

چال روحوم جانا گلسین
 ایستی لیک قانا گلسین
 نئشه‌لی یاز نفسی
 آذربایجانا گلسین

چال آشیق سسین گل‌سین
ایستی نفسین گل‌سین
یغیشین قارداشلاریم
قوربانلار کسیم گل‌سین

چال سازین شورا گل‌سین
شوپرلر نورا گل‌سین
ایتگین گئدن ائل‌لریم
یول سالسین بورا گل‌سین

چال آشیق دور آت گل‌سین
کیشنه سین قرآت گل‌سین
توز قالخسین چنلی بئله
ئل‌لره نجات گل‌سین

نیگارد، یازدا گل‌سین
آشسین آرازدا گل‌سین
درین یئردن گلمه‌سه
دئنه دایازدا گل‌سین

سەسلە ئايۋازدا گەلسەين
 آت سۈرۈب يازدا گەلسەين
 درد تۈتۈب ائللەر باغرى
 درده نيازدا گەلسەين

كوراوغلو دورسون گەلسەين
 بىغلارەين بورسون گەلسەين
 قان تۈكن ظالەم لەرىن
 قىچلارەين قىرسەين گەلسەين

من گەندەيم باخ دالەمجا
 گۈزلەرىن نور آلىنجا
 عشقىن كۈنلۈمدە قالدە
 عزرائىل جان آلىنجا

هئىۋا كىمى بار كىمى
 آلما كىمى نار كىمى
 سۈزۈن مەنە ياپىشىدە
 خەستە يئەن نار كىمى

بىندى بىرەلى داغسان
درىن درەلى داغسان
كۆچرلر يولا سالان
قاپار قايالى داغسان

كەھلىكلەرمكانىسان
پىس گۆزۈن تىكانىسان
گۆزلەر سىنەن اوستە
سەئودالار توكانىسان

سەن داغلار سەن خانىسان
أصالنلار ياتاغىسان
مشروطە نىن سەنگرى
دىلاورلەر قانىسان

سەن تەبرىزىن تاجىسان
اركىن ال آغاجىسان
مەنىم شانىم شۆھەرتىم
ھەم قارداش ھەم باجىسان

سن داغلارین باشیسان
منه محراب داشیسان
اوره ک ده کی کدرین
قاتار- قاتار داشیسان

دورنالا را دایاقسان
کهلیک لره اوتا قسان
گئجه نی اولدوز سایان
یاتمامیسان اویاقسان

گونش دن کؤز آلیبسان
آشیقدان سؤز آلیبسان
شهیدلرین قانیندان
قیرمیزی اوز آلیبسان

من گئتسم سن قالارسان
دوشمندن باج آلارسان
آشیق چکر آدی نی
ائشیدیب اوجالارسان

ش—هيدلره م—زارسان
نه گ—هرلى بازارسان
ائليمين نيس—گيللرين
ت—اريلخره ي—ازارسان

آيرىلديم آلى داغدان
بولاغى باللى داغدان
گ—ز دويماز اوره ك قوپماز
سینه سى خالى داغدان

ائلين كئفين چاغلارسان
گولدن كمر باغلارسان
سئوگيه چيچك وئريب
دوشمن اوچون آغارسان

حوض تىرلان آخىرسان
داغا چيچك تاخىرسان
بولبول قوزقون الينده
يئنه حئيران باخىرسان

ايچمە لىسن سرىنسن
 اوزون ساچلى گلىنسن
 كۆكۈن اورە ك باشىندا
 عاغىللىسان درىنسن

گۆز ياشىلە دولارسان
 جوشوب دىنىز اولارسان
 قوزقونلار يوردونو
 بىر گون وئران قوبارسان

داغىن اورە ك باشىسان
 تانرىن گۆز ياشىسان
 قارا بولود يوكونو
 ايلردىر كى داشىسان

گلىدىم اۋپدوم ياناقدان
 ايچدىم سرىن بولاقدان
 گۆزل بولاغىن آدىن
 سالانمارام دوداقدان

يولوم دوشدو قىراقدان
سۇز آپاردىم بولاقدان
بولاغى سالام يىتىر
ئىللىرىمدىن، اوزاقدان

دورنالارا يولداشسان
كەلىك لىرە قارداشسان
اورە كىر سۇنىدىن
سنى ئىللىرە سىرداشسان

بو بولاق جوشا گىلىن
قوزولار قوشا گىلىن
ايچىن سىرىن بولاقدان
هوشسوزلار هوشا گىلىن

ھاردان دىيىم ھاردان
داغ دولودور ياراردان
سنى مەرحىم يارادىب
يىئىرى گۇيىو ياردان

بولاق جوشسون دايانسين
 گون رنگينه بويانسين
 هامى دوشسون داغ – داشا
 ياتميشلاردا اويانسين

اوزه رليک خيردا جاسان
 ياشين كئچيب قوجاسان
 قادا بالا گلنده
 سن قاپيدان قوواسان

نظري يانديرارسان
 خيردا اوجاق قووارسان
 گلين لرين باشيندان
 قادا بالا سووارسان

بدنظردن قاچارسان
 چوخلو موشكول آچارسان
 پيس گؤزلى يانديريب
 بولودلارا چاتارسان

اوزه رلیک سن داریسان
یاشین چو خودور قاریسان
اوره کلر سیررین بیلن
وارسیزلارین واريسان

اود اوسته قوورولارسان
گؤیلره سوورولارسان
خسته لری دیریلدیب
خالقا اوره ک دورارسان

هر ائوده خان دورارسان
بالانی یان دیرارسان
گیزلین دردین درمانی
آشکاردا سوورولارسان
(و)

باغریم یان دی اویولدو
قبارلاریم سویولدو
یاردان قاصید گلیردی
اودا یولدا وورولدو

سو گلدی آرخی گوردو
 دولاندی چارخی گوردو
 کیم یوخودان اویاندی
 باش اوسته قورخو گوردو

قاپیدان پرده دوشدو
 دوشوب یئرده گوروشدو
 حسرت ایله آیریلیق
 بیزه بیر یئرده دوشدو

آپاردیلار هوشومو
 اوچوردولار قوشومو
 دار قفسده قویلدولار
 گؤزل قارانقوشومو

چای گلدی دره گولدو
 چؤل گولدو بره گولدو
 بولبول سئیرانا چیخدی
 او باغری قارا گولدو

گۆيدىن بىر اولدوز دوشىدو
بىزىم ائوده گۆرۈشىدو
بالاماقوربان اولوم
دوغوم گونو يىتىشىدۇ

گۆزلىم تاغدا گۈلدۈ
شاماما تاغدا گۈلدۈ
ياز گۈلدۈ نغمە سىندى
گۈللەندۈ باغ دا گۈلدۈ

بىر گون بىر آيا دوشىدو
گۆزۈم بىر آيا دوشىدو
ايستە دىم توتام اونو
اليمدن چايدا دوشىدو

اوكىشى قاندى اۈلدۈ
اوتلارا ياندى اۈلدۈ
جان وئردى ائل يولوندا
بىر آد قازاندى اۈلدۈ

مىرىندى باردان دولو
ساوه دى ناردان دولو
سنه تۇحفه گۇندردىم
بىلىرسن هاردان دولو؟

داغا دومان تۇكولدو
دومان يامان تۇكولدو
آه چكىب قم اودمادان
قىددى كامان بو كولدو

قم چكىدوم ياواش اولدو
گۇزلىرىم قان ياش اولدو
منىم شانسىم بئله يمش
بىر نامرد هاماش اولدو

اوره ك باشى سۇكولدو
گۇزوم ياشى تۇكولدو
آه چكىب قم اودمادان
آرخام بئلىم بو كولدو

بۇداق يىلدىن اوزولدى
داراق تىلدىن اوزولدى
آشيق دوشىدى چۆللەر
الى الدىن اوزولدى

گون ائىلر داغ گون اولدى
چىچكىلى باغ گون اولدى
زامان قارا تىللىرى
آتىب، آتىب يون اولدى

داغ دۇشوندى قار گولو
يىل وورار اوينار گولو
سنىه وئىردىم يادگار
دئمه دىم قايتار گولو

گىجە گىتدى دان اولدى
گون چىخامىش قان اولدى
بولبول قارتال الينده
قانينا قىلتان اولدى

ياز گلىدى اويون اولدو
 گوللر قول بويون اولدو
 چيچكلر آغزين آچدى
 گولدولر تويون اولدو

گول بئجرتديم كول اولدو
 قاناد سيندى قول اولدو
 قوربت ده جانيم چيخدى
 قبريم اوستو يول اولدو

سئوگيمين آلا گؤزو
 اود ساليب جانا گؤزو
 من درديندن اولموشم
 باخير او يانا گؤزو

اوزويومه قاشدى او
 گؤزل قلم قاشدى او
 سئوگى لرى سايديلار
 هاميلاردان باشدى او

گۆزومده يئر سالدی او
اوچ گون قوناق قالدی او
توولادی قوش ديليله
آخیر جانیم آلدی او

آخشامیم سحر اولدو
ایچدییم زهر اولدو
تانریدان گلن یازی
باغریمدا قهر اولدو

بیرجه گۆزل گولدو او
اوره ک دردیمن بیلدی او
من گیزلینده گۆرۈندوم
بیر اوجادان گولدو او

یول چکیر خومار گۆزو
گون شاخیب یومار گۆزو
هر بیر پایى اؤزۈنده
مندن پای اومار گۆزو

دولاندىم ايسىتى يولو
 سو گلىدى باسدى يولو
 گىتىدىم انامى گورم
 عزرائيل كسدى يولو

سئوگىمىن اوزو گولدى
 سسى خوش سوزو گولدى
 بىردن چىخدى اورغوما
 دوداغى گوزو گولدى

حيه تده وار نار گولو
 نار چىچه يى نار گولو
 گوزوم يوللاردا قالىدى
 گلىب دره يار گولو

قوش اوچدى گوله دوشدى
 جئىرانلار چؤلە دوشدى
 بىر كلمه حاق دانىشىدىم
 سسلندى دىله دوشدى

باغدا سولان گول اولدوم
آراز آخدى نىل اولدو
آناما آغلاماقدان
ياندى باغريم كول اولدو

گون چىخدى دان سؤكولدو
قىزىل تىللىر توكولدو
دوشمنه قالىب اولدو
ظولمات بئلى بوكولدو

اوجاق ياندى كؤز اولدو
حاققى گودن گؤز اولدو
هر كيمسه دوز ياشادى
دالينجا چوخ سؤز اولدو

بو داغلار اولو داغلار
چشمه لى سولو داغلار
داغلارى گزن اتدى
باغريمين گولو اولدو

يئىل اسدى قوشلار اوچدو
 گوۋى اوزونده گۇرۇشدو
 دونيانىن سوسوزلارى
 بيزىم باغدان سوايچدى

اوزاق دوشدوم ايل اولدو
 ياندى باغريم كول اولدو
 چورودو باغلار سولدو
 آخار سولار ليل اولدو

بو باغدان بير قوش اوچدو
 گليب ياتاغا دوشدو
 زامانىن مودونا باخ
 تولكويله شئر گۇرۇشدو

بو داغدا قارا قوزو
 دوشوبدور هارا قوزو
 چوبانىن بئلى سين چسین
 بله شيب قانا قوزو

ظولمات گئتىدى گون دوغدى
سئل گلىدى وريان دولدى
قاپىيا سو توكولدى
ائويمىزده بايرام اولدى

گول اكديم گولشن اولدى
بولبول گوله بند اولدى
بالا عشقى اوره كده
دولانىب كمند اولدى

حاق ظولم ايله گوروشدى
وطن اوسته دويوشدى
يوردمون شهيدلىرى
گويرچين كيمي اوچدى

گول آچىب باغ دولوسو
گوللو بوداغ دولوسو
گوزله رين نئشتر چكىب
باغرىما داغ دولوسو

حاق دئین دده م اولور
 قوچاق قیز ننه م اولور
 اولدوم وطن یولوندا
 بایراغیم کفن اولدو

آتام گئتدی توز اولدو
 قان یاش تۆکن گۆز اولدو
 اوره کلرده یاشادی
 آغیزلاردا سۆز اولدو

حاق دئین نفس اولدو
 ائلر منه سس اولدو
 ظولمه بویون ایمه دیم
 مسکنیم قفس اولدو

یاغیش یاغدی چن اولدو
 گۆیلرده ماتم اولدو
 شنلیک چاتدی یادلارا
 منیم پاییم قم اولدو

ياغيش ياغدى سئل اولدو
دام ياشيندان گول اولدو
يوخسولون آجى چايى
بئله ليك له ليل اولدو

گؤيلر اولدودوزدان دولو
چشمه لىر بوزدان دولو
هاردا بئله گؤزل وار
سنين تىك دوزدان دولو

بو گلن اوزو گولودو
صؤحبتى سؤزو گولودو
دئديم سن نه گؤزل سن
دوداغى گؤزو گولودو

حياتيم هدر اولدو
چكديييم كدر اولدو
نه بال دادديم نه شربت
ايچديييم زهر اولدو

مسکنیم قفس اولدو
 گوئیہ قالخان سس اولدو
 منیم قلمداشلاریم
 منله هم نفس اولدو

من آغلادیم گولدو او
 اورک دردیمن بیلدی او
 ائلدن آییری گزنمز
 ائلریله بیردی او

(۵)

من قوربانام گؤزونه
 شیرین - شیرین سؤزونه
 هر گلنه دوست دئییب
 اویما یالان سؤزونه

یازی یازدیم داش اوسته
 قلم گزدی قاش اوسته
 امرینه جانیم قوربان
 هر نه دئسن باش اوسته

داغدان ائندیم دوزلره
قولاق وئردیم سؤزلره
بیر گؤزل سئوگی تاپدیم
تیکان اولدو گؤزلره

اودو قویدون کؤز اوسته
آلیشیدیردین گؤز اوسته
من سنه بلی وئردیم
بیر کلمه حاق سؤز اوسته

ائینالینین دوزونده
حوض ترلان گؤزونده
بیر عاشیق ساز چالیردی
ائل گزیردی سؤزونده

قیزیل گول دسته - دسته
درمک دن اولدوم خسته
من سندن بیر محبت
سن مندن بیر جان ایسته

گۈزلىم باشىم اوسته
 گل اوتور باشىم اوسته
 عزرائيل جان آلانماز
 سن اولسان باشىم اوسته

قارتال قونوب داغ اوسته
 نظرى وار باغ اوسته
 قوشلارا سىرىق چكىدى
 داغلار قويدو داغ اوسته

داياندىن سۈزۈم اوسته
 دولاندىن گۈزۈم اوسته
 منى آتىب گئىدىن دن
 قالمىشام اوزۈم اوسته

ياغىش ياغدى باغ اوسته
 بولود گئىدى داغ اوسته
 شاماما گولە دولدو
 چىچكىلدى تاغ اوسته

گۈزلىم چمن اوسته
دولاندىن چمن اوسته
عشقين قوش كىمى قونوب
گول اوسته چمن اوسته

بوشقابدا قورو پوسته
ياش پوسته قورو پوسته
گونون قانى جالاندى
دۇيوشدو قوروب اوسته

سۇزون گوللىرى اينجه
چوخ اللشديم درينجه
سۇزون گول ياراتماسا
نه يه لازيم دوشونجه

هر گلنه جان دئمه
تولكويه اصلان دئمه
يامان گونده دوست تانى
نامرده اينسان دئمه

دیل دولانار سۆز اوسته
 هر نه دئسن گۆز اوسته
 آچ باغريمين قاپيسين
 سۆز قالانيب سۆز اوسته

قارانليقدا شام ننه
 چيراق ننه شام ننه
 آپاردین شنلیک لری
 گونوم اولدو شام ننه

سلقه نه قوربان ننه
 نه لر اویرتدین منه
 سنسيز بئليم بوکولدو
 مننده بنزیرم سنه

پیس باخیر داغلار منه
 چیچکلی باغلار منه
 اوره ییمده بیر اود وار
 کار کسمز چایلار منه

بىر قولاق ئىر صوحبته
آلىشىدىران مؤحننته
بىر عۇمور حسرت قالدېم
بىر قوجاق محبته

گۈزلىم جئىران سنه
بنزه بىر جئىران سنه
ائله هونر ياراتدېن
دونيادى جئىران سنه

آرزىم بودور يار گلّه
گول درمىشم بىر شله
شنلىك گولون پايلايلاق
ائل وئره الدن اله

باغدا بنزر گول سنه
چىچىك سنه گول سنه
سن اوخويوب گولنده
دېيهرم بولبول سنه

باھالاشدى دام يئنه
ھامى گىريب بىرىنە
كىرا كئشلىر نئىلە سىن
ائلىم قالدى وای گونە

سورمە چكىدىن گۇزونە
نە ياراشىر گۇزونە
بوى گۇزل بوخون گۇزل
قوربان اولوم اۇزونە

بولبول قوندو گوللرە
سسین چالدى چۇللرە
آلاه بلا وئرمە سىن
حاق دانىشان دىللرە

خوش گلىبسن تبرىزە
پىنجدن باخ بىزە
آلاھدان ایستە یىرم
بىر اوتوراق اوزە- اوزە

دئدیم داغدان گل دوزه
یئرہ قان سوزہ- سوزہ
دئدی مرده یاراشماز
وطنیندن ال اوزه

بوردان یولون کسنده
گؤرمک اولمور کوسنده
تئز کوسوب تئز باریشماق
نه پئشه‌دی بو سنده

دورناقونوب چمنده
فرح له نیر چیمنده
اونون تک اوچماق منه
بیر آزی دیر سینهمده

بیر قیران یوخ جییمده
اوره ییم گلدی درده
آلاهدا چوخ ایشلر وار
واری وئوردی نامرده

آغاجلار بار ایچینده
 قالیلار قار ایچینده
 جاوان عۆروم چورودو
 دوشونمز کار ایچینده

یاغیش یاغار چۆللره
 شئح اوتورار گۆللره
 یار دردی ائل تۆحمتی
 سالدی منی دیللره

بالیقار چای ایچینده
 اوینارلار چای ایچینده
 اوره ییم دنیز اولدو
 گۆرونو آ ایچینده

دورنا گئتدی دیزه
 دنیز اوزه- اوزه
 دئدیم گئتسن اوتایا
 دئی یاریم گلسمین بیزه

یاد یوردون آلدیم گؤزه
دوداغیم بوزه- بوزه
یوردوم شئرلر مکانی
قوربان اولوم تبریزه

دونن گؤردوم چمنده
قوزولار سود امنده
آنم یادیمما دوشدو
دردی قالدی سینمه

دانشان سؤز گونومه
آغلیان گؤز گونومه
قارداشلاریم سوسپدی
آلیشان کؤز گونومه

چیچک له نیب داغ گولده
باشیل دونلو باغ گولده
هامی سئور آل گولو
منیم گؤزوم آغ گولده

یئل گلیب کئچمه سینده
 ساچیمی ائشمه سینده
 خیال گلدی یویوندو
 گۆزومون چشمه سینده

گول اکدیم مئشه لرده
 گولابی شوشه لرده
 خالق اولدو ائو ییه سی
 کیری دیم گوشه لرده

دوشدوم قالدیم درینده
 قوزئی باغچا یئرینده
 گول کیمی خزل اولدوم
 بیرنامردین الینده

گول آختاردیم گولشنده
 گون دوشوب گۆروشنده
 محبت آختار سالار
 بیر سنده وار بیر منده

ایتیردیم هاچار آلاہ
قالمیشام ناچار آلاہ
بو باغلانمیشس قاپینی
بس هاچان آچار آلاہ

داغلارین قاری سنندہ
باغلارین باری سنندہ
عشقیندن خسته دوشدوم
گل منہ ساری سنندہ

گؤزلیم قال وطنندہ
مطلبین آل وطنندہ
ایفتیخار مئیدانلارین
بوینونا سال وطنندہ

گؤزل دیر گول چمنندہ
دولانیر ائل چمنندہ
قارداشیم ایید اولدو
گئدرم ائلچی منندہ

کنده گئدیم بیچینده
 قیزلار چایین ایچینده
 قیزلاری بهیه نیشم
 قارداشیما اوچونده

یئل گولو یولان یئرده
 تۆکولوب قونان یئرده
 کئشکه بیر داش اولایدیم
 سئوگیلیم اولان یئرده

قوچ مئیدانا گتسه ده
 اووچو ووروب ایتسه ده
 حاق یولوندان قاییتماز
 باشی دارا گتسه ده

آیاق قویدوم ایزلره
 طوفانلی دنیزلره
 ائل یولوندان دؤنمه رم
 اند ایچیرم سیزلره

تاپىشىردىم يىئىللره
الين چكسىن گوللره
مىندن ده بىر تك سالام
وئرسىن اوزاق ائىللره

گئجه يارى هاي گلّه
سو اوزونده آي گلّه
زامان گوزون زىللّه يىب
بىرده سنه تاي گلّه

ايل كئچدى قادير آلاه
گون كئچدى قادير آلاه
يورولدىم گوزله مكدن
علاجىم يوخدور آلاه

گويدن ياغيش گلنده
دورنا گولده چمنده
ازغىن جئىرانى توتدوم
يازدا قارا چمنده

اللىرىم يازار سىنە
 گۈزلىرىم گزر سىنە
 آلاھدان آرزىم بودور
 دىمە سىن نظر سىنە

دنىزىن يولو خىزە
 ساغىيلا سولو خىزە
 گۈزوموتىكىدىم يولا
 سئوگىلىم گلىب گزە

خىيال ھوشو بىچىندە
 ھىجران قانىم اىچىندە
 كىپرىك دۇير گۈزۈنە
 سن كۈنلۈمدىن كىچىندە

پايسىز يىئلى اسىندە
 اسىب باغرىم كسىندە
 يىئللىرىن قانادىنىدا
 وطن دىيىب گل سىندە

(ي)

دورنالار داغلار کیمی
سولارام باغلار کیمی
اوره ییم سنی ایستر
نئشه لی چاغلار کیمی

او منه گولدو گئتدی
دردیمی بیلیم گئتدی
عکسین بالیشدا چکدیم
گۆز یاشیم سیلدی گئتدی

داما سالدیم قالینی
دولاندریم چالینی
درد چکمه ین نه بیلر
درد چکنین حالینی

یاغارام یاغیش کیمی
اسرم قمیش کیمی
یازدیقلاریم خوش گلّه
ائللره ناریش کیمی

ايستك لريم قاچاقدى
 ائويىم تاختا تاباقدى
 قاچيرديم قىم اليندىن
 قىم دە منلە آياقدى

دالغا آشىردى منى
 دنيز باتىردى منى
 سولاردا گۇرونمە دىم
 زامان گىتىردى منى

سالدىلار قارا منى
 گ ئىدىر ھارا منى
 وطنىمدىن دۇنمە دىم
 چىكىلەر دارا منى

فلك قارغىيىب بىزى
 بىودور سىۋىلرەن دوزو
 گۇتور قىلم دىفترى
 گل يازاق دىردىمىزى

وئردیلر یئله منی
سالدیلار دیله منی
بیر کلمه حاق دانیشدیم
آتدیلار سئله منی

دیندیرمه سین آماندی
یئنه دردییم جالاندی
سینمدن بیر اود چیخدی
قلم کاغاذ دا یاندی

بیزیم ائلر اوجادی
ساوالان بویونجادی
حاق یول گئدر یورولماز
ستارین دالینجادی

اوزوک قاشی میرواری
سئومیشم گؤزل یاری
سیز آلاه اینصاف ائدین
یئر اوزونده وار تاییی؟

ياشيل زمى يونجادی
 يونجا يار بويونجادی
 گئديرسن تئز قاييت گل
 اوره ييم دالينجادی

ئولرى گول خانادی
 اوزوملوکدو قانادی
 منيم قلمداشلاريم
 هونرده بير دانادی

او گورونن قالادی
 چيچک له نن لالادی
 تبريزين جاوانلاری
 دونيادا بير دانادی

سو گلدی باغ دويمادی
 وريانلاری اوييمادی
 ايستيرديم بير دينجه لم
 نامرد فلک قويمادی

گۆزلیم میسگر گئتدی
میس قالدی میسگر گئتدی
وطن دئییب چان وئرن
قارداشیم عسگر گئتدی

بولبول لر گلر یازی
اوخویار گولر یازی
سنسیز قلم چالاندا
بیر بیلسن نه لر یازی؟

اوچوق قوشون اوچوبدو
ندن رنگین قاچیبیدی
دور گل بیزیم باغچایا
اطلسی لر آچیبیدی

اوچوردانماز یئل منی
آپارانماز سئل منی
هر زامان خاطرلایار
بو قهرمان ائل منی

قلممىم گزر يازى
 كلمه لردوزر يازى
 مرکب قورتولاندا
 گؤز ياشيم نه لر يازى

اوره ييم بير آلمادى
 آلمادا بار قالمادى
 باغريم بير آز بوشالدى
 سؤزلريم قورتارمادى

يئنه دونيا قارىشىدى
 يامان آليش وئرىشىدى
 دونيانين قوز قونلارى
 بيزيم ائله دارىشىدى

سئورم ساوالانى
 سهندي ساوالانى
 سنسيز اوره ك آچيلماس
 چالينان قوال هانى

اوچوردانماز یئل منی
آپارانماز سئل منی
هر زامان خاطیرلایار
بو قهرمان ائل منی

یار گئتدی آدی قالدی
ئل ایچره یادی قالدی
داغلاری سئوگی قازدی
فرهادین آدی قالدی

گل گینن آذان چاغی
صویح چاغی آذان چاغی
کؤنلوم سنی آرزولار
قلمیم یازان چاغی

آغ بولاق اوزه گلدی
داشلاری دوزه گلدی
من سوسوز یولا باخدیم
یار الده کوزه گلدی

پاییز دولاندی باغی
 باشلادی آل آتماغی
 یارپاق مندن اؤیرندی
 رنگینی سارالتماغی

ھاردان دئییم ھارانی
 اورهک دولوو ییـارانی
 سن منہ قاناد اولسان
 تئز تاپارام سارانی

کوسولموشدو باریشدی
 گلدی منہ قاریشدی
 آچیلدی توتقون اورهک
 او زمان کی دانیشدی

گـزهرم آرازلاری
 باھارلاری یـازلاری
 توتـارام اووچـولاری
 اوچـوردارام قـازلاری

تبریز بیر گولوستاندی
اییدلری آصلاندی
بو باغیم بو باغاتیم
چیچکلی گولوستاندی

باغ منه بار ساخلادی
تازا نوبار ساخلادی
آغاجلار قوجاغیندا
بیر دانانار ساخلادی

داغلاردا بوز ارییدی
دره یه دوز ارییدی
بیر ایفتیرا بیر یالان
ایسانی تئز ارییدی

سؤزو آلماق یاخشیدی
قیده قالماق یاخشیدی
نامرده یار اولونجا
ائوده قالماق یاخشیدی

قهر کسر جانلاری
 تئز قارالدار قانلاری
 یئتیم لرین گؤز یاشی
 ییخاجاق سارایلاری

ساغالماز یارا منی
 آپارییر هارا منی
 بیر اوره کدن یانان یوخ
 یئتیرسین یارا منی

ساخلاسین یئریم سنی
 قهرمان ائلیم سنی
 ائلیمه آرخا دوران
 بیر اییید بیلیم سنی

آتیبدی چوخلار منی
 قم گلر اوخلار منی
 هر کیمین دردی اولسا
 آختارار یوخلار منی

بو فلک آتدی منی
دهلی لر توتدو منی
پولدان اؤترو یادلارا
نه اوجوز ساتدی منی

باغریم قملر خرمنی
یاندیرار هر آن منی
عاجیزی فلک ییخدی
مندن آلدی جرمه‌نی

آپاردی بوز آت منی
مئیدانا دوز آت منی
ائل منه آرخا دورسا
یئخانماز یوز آت منی

یاندیردی سؤزون منی
ساخلاماز دؤزوم منی
قم کدرله یارادیب
یارادان اوزو منی

بیلدین دردیم نەدن دى
 دردى چەکن بەندى
 سەننن قادانى چەکدەم
 دەدین خەستە بەندى

گول وار گولشەندەن اۆتەرۇ
 گولو درەندەن اۆتەرۇ
 مەن ھارا باغلارا ھارا
 گەمەشەم سەندەن اۆتەرۇ

گول بەیلەر باغ قەدرىنى
 چەچەكلە تاغ قەدرىنى
 پۇل دەيىب جان وئەرنەر
 بەيلىملىر چاغ قەدرىنى

لەلەم تاپارلار سەنى
 خالقا قاتارلار سەنى
 پەيس اولسان ائللەر تەننەر
 اوجۇز ساتارلار سەنى

باغا گیردیم گول آچدی
سونا گول اوستن قاچدی
ال آتدیم گول درمه یه
سارماشیقلار دولاشدی

قاتارلار ائله سنی
سالارلار دیله سنی
عکسین اوره کلر گزر
قویارلار جیبه سنی

سئوه رم اوزوم سنی
دانیشار سوزوم سنی
بو شهری گزنده
آختارار گوزوم سنی

دونیا سنده کیم قالدی
کیم یاشایدی کیم قالدی
گووندیم سردارلارا
اونودا توپراق آلدی

زمینی بیچهن واردی
 بولاقدان کئچن واردی
 آیریلیقدان دئمه یین
 اوره یی کئچن واردی

آی آلاسه اکین قالدی
 درمه دیم اکین قالدی
 نه آتام وار نه آنام
 کیم منیم تکین قالدی

فلک اوره ک داغلادی
 ائللر قارا باغلادی
 وطنسییزلر دردینه
 آغاجلاردا آغلادی

سو گلدی یولو ووردو
 بوستانی دولو ووردو
 اوره کده قم داشیدیم
 گؤز لیریم یولو ووردو

سونا اوچدو سار قالدی
گؤز گؤرمه دی تار قالدی
کدرلر منیم اولدو
اغیار اوچون یار قالدی

باغ دولو ناریم واردی
مئهریبان تاریم واردی
نئیلیرم دونیا مالین
سنین تک یاریم واردی

بو دونیا بیر قاریشدی
یامان آلیش وئریشدی
یاخشیلار توپراق آتدا
پیسر یئری گئنیشدی

دوشمن گلدی دایاندی
اوردو قانا بویاندی
وای بالاناله سیندن
یاتمیش فلک اویاندی

بايرام گونو يئىل اسدى
 اسيب صبريمى كسدى
 نه خونچام نه تاباغيم
 بو حسرت منه بسدى

عزىزى يم بير ال دى
 مين يوموروق بير ال دى
 ائىلر ال - اله وئرسه
 گؤره ن دئير بير ال الدى

يئنه ده كولك اسير
 كولك نفسى كسير
 سئوگيليمدن اؤتورى
 اوره ك نانا تك اسير

اي همدميم گئجه دى
 يار همدميم گئجه دى
 كيمسه خبر آلمايير
 آي قيز حالىن نئجه دى

آينا دئير دوزلىرى
ايشىقلادار گؤزلىرى
سن سفئه سن من دلى
يئر ساخلاماز بيزلىرى

آى باتدى يئرى قالدى
گون باتدى يئرى قالدى
ساغالدى باغريم دردى
سینه مده يئرى قالدى

آرزيم بولاقدى قالدى
گؤزوم سوراقدى قالدى
يار منى آتیب گئتدى
گوروش ها واختا قالدى

ياد الينده باغ قالدى
خزل گورموش تاغ آلدى
يىخيلدى آتام ائوى
اوره ييمده داغ قالدى

يئنه زامان آجالدى
ياشى كئچدى قوجالدى
يوردومون اييدلرى
دوشمن لردن باج آلدى

آچ فلک موشكولومو
قيفيللى ايشكيليمى
نه دوست بيلر نه دوشمان
چاراسيز نيسگيليمى

بنزتديم آيا سيزى
اولدوزا آيا سيزى
آروادى تئز قوجالدار
كيشى نين حايا سيزى

آپارديلار وارييمى
آلديلار ايمانيمى
بيلمه ديم تورا دوشدوم
قارالتديلار قانيمى

آنم باشیمین تاجی
هر دردیمین علاجی
گۆزونه قوربان اوللام
منه باخسا قیقاجی

من گئدیم ایزیم قالدی
ائللرده گۆزوم قالدی
سینه م بیر دولو دفتر
آغزیمدا سۆزوم قالدی

بو بختی قارا منی
چکیب دیر دارا منی
چینیمده هیجران یوکو
آپارییر هارا منی

من آشیغام داغ ایفتدی
دومان گلدی داغ ایفتدی
جان قوبدوم یووا قوردوم
حسرت اونو داغیفتدی

گتير بير سايا منى
 ائل ايچره آرا منى
 من ائليمدن دؤنمهرم
 چكسه لر دارا منى

دوشمن آساندا منى
 اسيب كسنده منى
 من گليب سنى گؤردوم
 گل بير گؤر سنده منى

كؤزله نيب ايچيم دردى
 اوراق وئر بيچيم دردى
 نه آتام وار نه آنام
 كيمينه چكيم دردى

اود يانار شام اريدى
 قار ياغار چن اريدى
 يوخسوللوق آدام ييخماز
 اييىدى قىم اريدى

باغلار گولون اله دى
تورپاق گوله لله دى
سولدو باغيم باغاتيم
قىمى قىم سىلكه له دى

گولو درسنى دسته قوى
نئجه بسته - بسته قوى
يار سندن جان ايستهسه
الينى گوزاوسته قوى

باشيندا پير ائينالى
گونش اوپور ائينالى
كوسوب گئدن سئوگىمى
منه يئتير ائينالى

باغرىمى ايلان چالدى
دردىمى بيلن چالدى
اوزاق دوست ياخين دوشمان
اوزومه گولن چالدى

تېرىزىن آغاچلارى
 بار گتيرر باغلارى
 ايبيدى يولدان ئىيلەر
 دوشونمز يولداشلارى

قم گلر چالار منى
 آختارار آرار منى
 تۇھمتلى سۇز يانديرار
 قىلينج تك يارار منى

چوبانين گل لايلاسى
 خوش گلير گل لايلاسى
 گۇزومه دوز باسارام
 سئوسه ديلبر آيريسين

ھاراي سۇزومده قالدى
 حسرت اۇزومده قالدى
 فلک اوزون گولمه سين
 آرزيم گۇزومده قالدى

چن گلدی داغلار ایتدی
دومان داغی کیریتدی
بو داغلاری گزنلر
نبی کیمی ایییددی

دولدوم شوشه لر کیمی
کئچمیش پئشه لر کیمی
درد الیندن لال اولدوم
دینمز مئشه لر کیمی

بو دونیا ساغ آلاندی
کئفسیز یوخ ساغ آلاندی
نه دردیمه درمان وار
نه یارام ساغالاندی

باغیریم درد لر خرمنی
هر گلن داشلار منی
عؤمور کئچدی قوجالدیدیم
آتدی یولداشلار منی

باغچامی یئل آپاردی
 کردیمی سئل آپاردی
 وار یوخوم بیر قیزیدی
 اونودا ائل آپاردی

گؤزلیم نئی ده قالدی
 چیغیردیم نئی ده قالدی
 قمیش لییه اود دوشدو
 سسیم هی - هی ده قالدی

یئر کیمی وطن کیمی
 هر گلیب اؤتن کیمی
 عشقین قالدی اوره ک ده
 مهربان وطن کیمی

دوستلار داغلاتدی منی
 یادلار چاغلاتدی منی
 کیمین الیندن توتدوم
 اخیر آغلاتدی منی

گۈزلىم گۈز يارادى
اود يانار كۈز يارادى
پاخىل اينسان دولانىب
ھمىشە سۈز يارادى

وئردىلر قوردا منى
دىددىلر بوردى منى
بىر نفر دوست تاپىلماز
يئتىرسىن يوردا منى

كىمدى سرورىم كىمى
سئوداسى منىم كىمى
آت چاپار مئيدانىندا
چىرپان اورە يىم كىمى

قوش اوچدو ھاردا قالدى
گۈزۈ نوباردا قالدى
بىر سسىنە گۈۈندى
بىر عۇمور داردا قالدى

اولدوم يوللار همدمى
 يوللار يورولار منى
 يولچولار يولا گئتدى
 منده آختاردىم سنى

ساليبسان سؤزه منى
 گتيرديين گؤزه منى
 گؤرورسن دردييم چوخدو
 چكيرسن اوزه منى

عزىزيم گول دانىشدى
 قوش اوچدو گول دانىشدى
 داغدان باخديم يوردوما
 ائله بيل ائل دانىشدى

بنزتديم گوله سنى
 چيچه يه گوله سنى
 اوره ييمه ياتيبسان
 سالميشام اودا سنى

يادلار سالير فيليمى
قارات ائدير ديلمى
اؤزونه ياد ائيله دى
منيم قوچاق ائليمى

بىردن ميللت اوياندى
ظولم ائونونده داياندى
قهرمانلار قانسىندان
دووارلاردا بوياندى

سو دورو اتدى گئتى
آتىنى چاتدى گئتى
سئوگيم بى وفا چىخدى
منى سارالتدى گئتى

عاشيق پاي گؤزدن الى
شوپرلر كؤزدن الى
عاريف اينسان مطلبى
هميشه سؤزدن الى

داغلارا دولو گلدی
 دولونون بولو گلدی
 دعامیز قبول اولدو
 ایلمیز دولو گلدی

حورمتلی آتامین پاک
 روحونا سونولور

آغلارام آتام گئتدی
 او قولوم بوتام گئتدی
 اولوم ائلہ آپاردی
 قویمادی چاتام گئتدی

آتام بیر دایاق ایدی
 سس ایدی سوراغ ایدی
 ائیش یوخوش حیاتدا
 منیمله آیقایدی

داغ تک دایاغیم گئتدی
 سسیم سوراغیم گئتدی
 منیم عشقیم ووقاریم
 کسکین اوراغیم گئتدی

آتامان آغلادی
ائللر قارا باغلادی
سینه لرده یاشادی
اوره کلری داغلادی

الدن توتان ال گئدی
اصلان گئدی یل گئدی
گوزوم یولوندا قالدی
عجل دندی گل، گئدی

ایریلیق بیر تله دی
هر گله نی مهله دی
آتام کؤچوب گئدن دن
قم باغریمدا شله دی

آتینی چاپدی گئدی
توفنگین آتدی گئدی
وطن دئییب جان وئردی
عشقینه چاتدی گئدی

باشیمین تاجی گئندی
 اوره ک مؤحتاجی گئندی
 او شیرین دیندییره نیم
 ایچدی آجینی گئندی

آتما داش آغلادی
 قوهوم قارداش آغلادی
 اوره ییم قانا دولدو
 گؤز لیم یاش آغلادی

تیریز بالاسی گئندی
 دردییم چاراسی گئندی
 آتا دئییب آغلادییم
 گؤزوم قاراسی گئندی

آی هارای اتمام ای وای
 او قولوم بوتام ای وای
 منیم آرزیم تامارزیم
 اولماز اونودام ای وای

ساچىمى يولدىوم اى واى
يوللارا قويدوم اى واى
گۈزلىرىم قان اغلادى
باغرىمى اويدوم اى واى

ياغىش ياغدى قار اشدى
كۈلگە دوواردان اشدى
آتام رحمت لىك اولدو
اونارحمت ياراشدى

آتام منە يارايىدى
يارىدى غمخوارايىدى
كۈلگە سىندە گزردىم
چوخ حۇرمتىم وارايدى

باغلارى خزل آلدى
يئل اسدى خزل آلدى
عجلين بئلى سىنسىن
آتام تك گۈزل آلدى

آتام گئىدى جان گئىدى
 اورە يىمدن قان گئىدى
 آغزىندا سۆزۈ قالدى
 گۆزلىرى حئيران گئىدى

ئىللردن بىر آد گئىدى
 خالق او آددان شاد گئىدى
 گولردىم گولدورردىم
 آغزىمدان اوداد گئىدى

آرخام كۆمە يىم گئىدى
 جانىم اورە يىم گئىدى
 يامان گوندى دار گوندى
 دادا گلە نىم گئىدى

لاي لاي لار

لاي لاي چالديم ياتانا
ياتيب تره باتانا
بالا دئيب جان وئرر
مهريبان آتا- آنا

لاي لاي قول بوداغيمما
لاي لاي ائل دياغيمما
اليمين عصاصينا
يورولماز آياغيمما

لاي لاي گؤيلوم قوشونا
باخارام دوروشونا
كؤنلوم سازه ديللندي
گلدی بالام خوشونا

پولاد بيلک بالامما
ائلی کورهک بالامما
آلاه نظر ديمه سين
منيم زييره ک بالامما

لای لای قیزلار خانینا
 تبریزین جئیرانینا
 گولوشو جانیم آلدی
 جانیم قوربان جانینا

لای لای اوجا بالاما
 دیشی قوجا بالاما
 دوشمن لر باتیشانماز
 منیم شو جا بالاما

بالام گئدی ب خیالا
 یاشاییشان بار آلا
 باهارلاری سوندوروب
 پاییزلاردان نار آلا

لای لای عؤمور باریمما
 لای لای اومود داغیمما
 اوتמושام قم کدرین
 یئتیشه سن دادیمما

لای لای دئدیم یاتینجا
باش یاستیغا آتینجا
جوان عؤمروم چورودو
سن حاصیلا چاتینجا

لای لای گؤزل قوزوما
ایشیقلی اولدوزوما
حوری پری چاتانماز
منیم جئیران قیزیما

لای لای دوداغی قونچا
گؤزل یاناغی قونچا
ایمده علاج اولسا
لعل قالارام بویونجا

لای لای گیزلین باخانا
اوره ییمی یاخانا
نه اؤتورور نه یه یاتیر
بیر گول اولوب یاخاما

لاى لاي شىيطان بالاما
 گۈزۈ جئيران بالاما
 بويو بوخونو گۈزۈل
 ائللر جئيران بالاما

لاى لاي چالديم اويانا
 گۈزۈ اۋنوندە دايانا
 اويانا گۈندن اولسا
 دئيين گلسين بويانا

جئيراندى آى بالاما
 داشلانان چاي بالاما
 دونيانى آختارسالار
 تاپيلماز تاي بالاما

گۈتدى گۈيلوم بولانا
 گۈزۈم دولوب سولانا
 ائله لاي لاي چالارام
 تئز قاييتسين بويانا

لای لای چاللام مین یاشا
مین یاشا، مین مین یاشا
عؤمور اولا بیر گؤرم
آداخلین ایله قوشا

لای لای گئجه قوشونا
باخارام دوروشوننا
بالاما پیس باخانین
عجل گل سین توشونا

گونش داغدان آشاندا
گئجه یاخینلاشاندا
بالا لای لای چال دیم
سولار پیچیلداشاندا

بالام یاتدی اوتاقددا
گولوشو وار دوداقددا
بیر عؤمور اوزون گولسون
قال بو دیلده داماقدا

دان اولدوزو چيخاندا
 گئجه باغرين سيخاندا
 ناساز بالام ياتمادی
 گؤز ياشلاريم اخاندا

لاي لاي چالديم دويونجا
 اوزون گئجه بويونجا
 چكديم درين اينتياز
 سن بير ايبيد اولونجا

گؤزومده دولاناندا
 اوره ييمده قالاندا
 دونيانى دبردريم
 سنه لاي لاي چالاندا

آه چكرم آهيمجا
 آلاه يادا سالينجا
 بارسيز بهره سيز اولدوم
 لاي لاي چالديم بالينجا

بىر قوش داغىن باشىندا
قونوب قالدى باشىندا
سەنە جان قوربان دئىدەم
پۇشكش اولدو باشىمدا

قوچاق بالام بىر داننا
گىلىب گىردى مئيدانا
بالام كىمى مرد اوغول
ايفتيخاردى يوردونا

داغدان اخان قار اولسا
آغاجلار دا بار اولسا
مىن بالاما وار اوللام
بالام مىنلە وار اولسا

بالا عشقى باشىمدا
دويون قويماز قاشىمدا
گۈزلىرى اۈز گۈزومدە
قاشلارى قارداشىمدا

جان بالا، جانیم بالا
 قادانی آلیم بالا
 بیر گون سنی گورمه سم
 گلمز قراریم بالا

لای لای دادار دورانا
 باغریمی اوی دورانا
 هامی لای آلدادیب
 اوزوننه ووردورانا

بالام گول تک بوداقد
 چیچکله نیب اوتاقد
 بیر عومور اوزون گولسون
 قالاسان بو داماقد

لای لای یاشیل سونا
 گئیینیب یاشیل دونا
 اوره ییم ده ساخلارام
 قویمارام نظر قونا

لاى لاي دئىدېم آغلاما
اوره يىمى داغلاما
زامان اۋزگه زاماندى
هئچ كسه بئىل باغلاما

قولوم بالام قولوندا
دولانارام ساغ سولوندا
من بالامدان دويمارام
جان قويموشام يولوندا

باشىنى قوى بالىنجا
گۈزون يوخو آلىنجا
اوره يىم يانيندادى
گۈزلريم ده دالىنجا

اودون قويدوم اوجاغا
قالاميشام بوجاغا
قادان گلسين جانىما
چارا يوخ اولاجاغا

دور ائینالی داغیندا
 ارکین ده دایاغیندا
 ستارخانین یاراغی
 الینده - آیاغیندا

لای لای باغلار باغینا
 لای لای میشوو داغینا
 دونیانین گوزل لری
 چاتانماز دیرناغینا

چن گلر داغا یازدا
 دؤشه نر باغا یازدا
 بالامی قیزیشدیررام
 یاغیشلیقدا آیازدا

قوشوم گلیر دریادا
 یئتیشه جک فریادا
 منیم بالام بیلندی
 سیررین آچماز هر یادا

سونا بولبول اوچاندا
گول اوستوندن قاچاندا
اوره ییم ایشیقلا نثار
بالام گوزون آچاندا

یات یئنه اوتاغیندا
کپنک یاتاغیندا
بالامین عطری دادی
گوللرین یپراغیندا

لای لایمما آی دوروب
آی بالامما تایی دوروب
آلاه وئرن ایسته دیم
سئومه لی بیر پای اولوب

قارا تئلی قیز گلیب
هر اعضاسی دوز گلیب
گله جه یین قادینی
آغزیندا مین سؤز گلیب

ئۈيۈمۈزە خالا گۈلب
 قۈزۈلدان قالا گۈلب
 مۈنۈم وارۈم دۈۈلتۈم
 بۈر گۈزل بالا گۈلب

سحر مۈندن تۈز دوروب
 ياخاسۈينا گۈل ووروب
 شۈيرۈن - شۈيرۈن دانۈشۈيب
 اورۈيۈمۈ اۈيۈدوروب

سۈنۈ م اۈستۈ قۈش گۈلب
 گۈزل قارانقۈش گۈلب
 اۈللۈر آرۈزۈ تامارۈزۈم
 آللاه بۈزۈ خۈش گۈلب

قاپۈمۈ دۈيۈنۈن گۈلب
 سۈۈمۈلۈ سۈۈن گۈلب
 سۈن گۈنۈمۈن كۈمۈيۈ
 ساچۈمۈ ھۈرۈن گۈلب

لای لای داغلار قار آلیب
داغلار قار آلتدا قالیب
آنان رنگینه قوربان
نه دن رنگین سارالیب

بنزه قارا تئل گلیب
الرینده گول آچیب
قیل و قالی آپاران
بیرجه شیرین دیل گلیب

لای لای بالام مرد اولوب
اوره ییمه بند اولوب
سالیب عشقین اودونا
باغریما کمند اولوب

سسیمی آلیب یاتیب
عشقینه سالیب یاتیب
دولانیبیدیر قانیمدا
یئرین سالیب یاتیب

بالام اوزاقدان گلیب
 حاق وئریب حاقدان گلیب
 دوققوز آیین یورغونو
 دوشوب آیاقدان گلیب

عشقین باغیندا گلیب
 آذان چاغیندا گلیب
 هم خئیر هم برکت
 آیاقلاریندا گلیب

گل قولومون اوسته یات
 چوخ اولوسان خسته یات
 فیندیق کیمی فیرلادین
 بسدی بویو بسته یات

لای لای چالدیم گونده یات
 اولدوزو گؤزونجه یات
 قولوم قیچیم یورولدو
 آی دوداغی اینجه یات

گل سینه مه دایان یات
گۆزونو یوم اویان یات
سنسن عشقیم هوسیم
منی مجنون قیلان یات

گل یئنه اوتاقدایات
قوزو تک یاتاقدایات
اوره ییمین سئوگی سی
گل یئنه قوجاقدایات

الریمدن یاپیش یات
قارا تئلی چپیش یات
آی باتیب اولدوز یاتیب
آی گۆزلری یئمیش یات

باغلا دیم کور کده یات
عشق اودون اوره کده یات
نه قیچیمدا طاقت وار
نه زوروم بیلکده یات

سینه م اوسته یاخشی یات
یاخشی یوخلا یاخشی یات
باغریم سنه ساز چالسین
یاتدیغین یئر، خوشدو یات

آی عیشوه- نازساتان یات
منه قاش گؤز آتان یات
بالدان ناباتدان شیرین
اوره ییمه یاتان یات

قوش کیمی گول اوسته یات
آی دوداغی پوسته یات
سن مندن جان ایسته دین
دئدیم گؤزوم اوسته یات

سنه چیچک دریم یات
تئلرینه سریم یات
سسله داغلار دالیندان
من سسینه گلیم یات

دنیز اوسته قوشوم یات
آی باخیشی خوشوم یات
سن گلدین قارات اولدو
منیم عاغلیم- هوشوم یات

لای لای ین اوخودوم یات
کؤینه یین توخودوم یات
بالدان ناباتدان شیرین
آی سوتول نوخودوم یات

بالام گئدر ایز قالار
دالینجا چوخ گؤز قالار
دونیا لاری گزسه ده
یادیندا تبریز قالار

بالام داغلاردان آشار
اوو تک داغا دیرماشار
قودرتینه چاتان یوخ
قهرمانلیق یار اشار

الریینده وار هاچار
 هاچارین موشکول آچار
 ائیلینله ال بیر اولسان
 قالمازسان هئچ واخت ناچار

لای لای چالسام های گئدر
 گؤزلریمدن چای گئدر
 قوچاقلار، سان وئرنده
 کیم بالاماتای گئدر

لای لای بوردایانار
 شوپر نوردایانار
 یادلار یاتار لایلایا
 بیزیم ائلر اویانار

یئل اسر گلر گئدر
 باغیریمی ده لر گئدر
 بالام بئواختا قالسا
 باغیریمدان نه لر گئدر

داغ دۇشونده قالدى قار
داغلارا يورقاندی قار
قاردان اینجه بالامی
ساخلاسین پروردگار

لای لای سسیم اوجالار
حاق نفسیم اوجالار
منیم بالام قوچاقدی
دوشمن لردن باج آلام

دونون گئییه ر گوئی چینار
قار اله ر دینار- دینار
آنا بالایولوندا
جاندا کئچسه کیم قینار

لای لاییمی گون قانار
آی نورلانا گون قانار
منیم دوشونن بالام
بیر کلمه دن مین قانار

سن گئتسن یئرین قالار
توتہ یین نئیین قالار
بالاسکی ایستن آنا
بوش یاستیغی ییرقالار

سن گئتسن دولو گؤز لر
یاش تۆکر دولو گؤز لر
آنا بالایولوندا
دایانار یولو گؤز لر

گؤز لریم یانار آغلار
اوره ییم قانار آغلار
قانا دولموش گؤز لریم
گونلری سانار آغلار

سو جوشار چشمه گئدر
دووارلار ائشمه گئدر
بالام باغ ریمدا گزر
گؤزومدن چشمه گئدر

لای لای سـورولو داغلار
لای لای چیچکلی باغلار
لای لایـیما اویانین
آی قارالار، آی آغلار

گئجه گلر یئر سالار
گونشین جانین آلا
بالام قوربت ده قالدی
اونا کیم لایلا ی چالار؟

بو باغلار دولو باغلار
کسیب لر یولو باغلار
بالام یادیما دوشسه
گؤزلریم دولوب آغلار

داغلاردان آخدی قارلار
قارلا بوشالدی داغلار
چوبان داغا گلنده
بالام قوزو تک اوینار

آی باتار پئشمان گئدر
 گون اونا دوشمان گئدر
 بالام مئیدانا گئیرسه
 قوچ ایییدلر سان گئدر

قوشوم گلر باغیرار
 شوقا گلر چایغیرار
 جانیم دؤشک یورغونو
 دیلیم بالا چاغیریر

سو گلر باشا دولار
 قاینایار داشا دولار
 مینم بالام بوی چکیب
 بؤیویوب یاشا دولار

دومان گلر داغ آلا
 گول - چیچک لی باغ آلا
 بالام الیمدن توتسا
 یارالاریم ساغالار

آرا کسن دوواردییر
دووارین باشی قاردییر
بالام هله اوشاقدییر
چوخ خیردا یاشی واردییر

یاز گلر نفس گلر
قوشلار اوچار سس گلر
بالام گولوب دانیشار
باغریما هوس گلر

بالام حارام گوٲورمز
محبتی ایتیرمز
هامیییا مهریباندی
خالقا صدمه یئتیرمز

گون دولانار آی باتماز
دوشونن فاخیر ساتماز
حلال سود امهن اوغول
ذاتی سودونو آتماز

داغلارین داشی دورماز
 قووزانار داشی دورماز
 بالام ناساز اولاندا
 گۆزومون یاشی دورماز

گئجه اوزون آی باتماز
 اولدوزا قاش گۆز آتماز
 بالام کیمی مرد اوغول
 تانری بیرده یاراتماز

لای لای چالدیم دمیم آز
 قمیم چو خودور دمیم آز
 سن گولوب شاد اولاندا
 اولار منیم قمیم آز

یاغیش یاغار قار اولماز
 گۆز یاشیندان وار اولماز
 من یوخسول بالام حسرت
 بیر بیئله آخ وای اولماز

ائل ایزینده دولان گز
ائل گؤزونده دولان گز
سن گزسن چیچکله نر
گولشنلرده سولان گز

سنسیز باغدا گول اولماز
چیچک اولماز گول اولماز
گولشنلره چور گلر
گول اولماز بولبول اولماز

لای لای چالسام قوش گلمز
لای لای قوشا خوش گلمز
بالام سنئور لای لای
هئچ گؤزونه هوش گلمز

داغ اوسته قاریم قالماز
باغ اوسته باریم قالماز
سن یولدان گئج گلنده
تابیم توانیم قالماز

سەنسىز دايىغىم اولماز
 قولوم آياغىم اولماز
 روھومماقم الە نر
 دىلىم داماغىم اولماز

بالام گەئدر گۆرونمىز
 دولاننار اوزون بىلىمىز
 منسىز تۆكر گۆز ياشى
 ھر گلن گۆزون سىلىمىز

آى دوداغى قىزىل گول
 قىزىل دانىش قىزىل گول
 قوجاغىم سنى سىلىر
 گل سىنە مە دوزول گول

لاى لاي چالدىم گول گۆزل
 دانىش گۆزل گول گۆزل
 بىردە دونيا يىتتىرمىز
 بئله شىرىن دىل گۆزل

لای لای چالدم سنده گول
سنده دانیش سنده گول
آپاریبسان کؤنلومو
اوره ییم سیننده گول

اوغول گئتمه بیزده قال
بالیق تک دنیزده قال
آی ائللره یاراشیق
یوردوندا تبریزده قال

لای لای چالدم بالا گول
بالا چیچک بالا گول
اینجه ایلین قوربانلی
قول بوینوما دولا گول

گؤیرچین لراوچدو گل
اوچوب باغا دوشدو گل
سندن آییری گونلریم
آه قمیله کئچدی گل

لاى لاي چالديم قوشوم گل
 آى داماغى خوشوم گل
 تورشا شيرين آلچامسان
 يئمه لى مئى خوشوم گل

الريمدن ياپيشين گل
 آى قيرمىزى ياپيش گل
 سنده ائلين اوغلو سان
 ائللريمه قاتيش گل

گئجه نى يول سالان گل
 ياد اولكه ده قالان گل
 سنسيز جانيم چورودو
 عشقيم اولدو يالان گل

لاى لاي دئديم قوزوم گل
 قارا تئلى قيزيم گل
 انام باجيم همدميم
 اوره ك ده وار سوزوم گل

بهاریم گل یازیم گل
اوردہ ییم گل قازیم گل
آی روحومون ایستہ یی
منیم عیشوہ نازیم گل

لای لای گوللو باغیم گل
قولوم گل بوتاغیم گل
منیم تک یالقیز قالیب
ائویم گل اوتاغیم گل

قانادیم یوخ اوچوم گل
قیچیم یوخدو قاجیم گل
منی آتیب گئندن
آغاریب دی ساجیم گل

گۆز اؤنوندہ قالان گل
قول بوینوما سالان گل
سندن اؤتری هلاکدی
او مهربان خالان گل
لای لای چالدیم گولوم گل
شیدام گل بولبولوم گل
گؤندردیم اوزاق یولا

لایلای چالدیم بیرده گل
بیرده دولان بیرده گل
سن گئدن گوندن قیشدی
باهار گلیب گولده گل
لای لاییمی ائشیت گل
اوجا بویلو رشید گل
سنه بایاتی یازدیم
نئچه - نئچه چئشیت گل
گئت گز دولان هر دن گل
هردن یئتیش هر دن گل
گؤز لریم یول چکنده
سن قاپیدان بیردن گل

م

یاتمارام اویاق اوللام
جوشارام بولاق اوللام
نه قدر کی جانیم وار
سنه گۆز قولاق اوللام

لای لای قولوم قانادیم
لای لای شوهرتیم آدیم
سن منه قول قاناد اول
منده هونر یارادیم
لای لای عشقیم ووقاریم
لای لای یاریم نیگاریم
بو بئش گونلوک دونیادا
دایاغیم اعتباریم

من بالامی آتمارام
اونو یادا ساتمارام
بیر گون اوزون گۆرمه سم
گئجه گونوز یاتمارام
لای لای اوخوم کمندیم
ساوالانیم سهندیم
سن ناساز من چاراسیز

اودور کی درده گلدییم
 لای لای سنه قیز آلام
 هر اعضاسی دوز آلام
 گوؤل قیزلار ایچینده
 سنه آلا گوؤل آلام

گنجه چیراق یانديرارام
 چیراغی دولانديرارام
 سنه نورون سالماسا
 ساللام یئرہ سینديرارام

سنه ماهنی اوخورام
 ایپکدن شال توخورام

شنلیکدن جوشا گلمیش
گونش کیمی شاخیرام
گئتمه سنسیز قالمارام
قالمارام دایانمارام
سنسن الیم عصاصی
من سنسیز دولانمارام

لای لای عشقیم حیاتیم
لای لای قولوم قانادیم
بیر کره گول اوزومه
قیمی قوصه نی آتیم
آغاج اوسته قوش اوللام
قوشلاریله توش اوللام
گؤز لیریم سنی گؤرسه
اوخویارام خوش اوللام
لای لای دئییب یاتارام
عشقی قانا قاتارام
گؤرسه م گلین لیینی
من آرزیما چاتارام

سنة لای لای چالارام
 من قئیدینه قالارام
 یوردوما دایاق اولسان
 اؤزوم قادیان آلارام

لایلای بوستانیم باغیم
 لایلای قولوم بوداغیم
 سن تۆکنده گۆز یاشی
 قاچماز منیم دوداغیم
 لایلای آرزى تامارزیم
 کۆنلومه آدین یازیم
 عۆمروم عشقیم حیاتییم
 سنسيز حیات نه لازیم

اوغول قئیدینه قالدیم
 عشقیمی سنه سالدیم
 پروانه تک آلیشدیم

سنین قادانی آلدیم
لایلائی چیچکلی باغیم
لایلائی قولوم بوداغیم
یاندیر حیات چیراغین
یانار ساخلا اوجاغیم
لایلائی وفالی بالام
هر بیر زاد آلی بالام
ایشی برکه دوشنده
یادینا سالی بالام

قئيدينه قالان منم
 بيرجه روشوه سيز دؤولت
 قاداتنى آلان منم

الينده قلم اوغلوم
 ايسته رم گلم اوغلوم
 دؤشه نم يوللاريندا
 جان وئريب اؤلم اوغلوم
 بالاما يار اولايديم
 اونا غمخوار اولايديم
 آرزيم بودور سنينله
 هميشه وار اولايديم

كيشى تك ياشا اوغلوم
 يالقيز يوخ، قوشا اوغلوم
 ائل يانيندا فخر ايله
 عؤمور وئر باشا اوغلوم
 لايلايا آه قاتارام
 سنسيز نئجه ياتارام
 سن بير بخته ور اولسان
 من آرزىما چاتارام
 سنسن منيم لعل بالام
 اوزاقلاردان گل بالام

سینه م دن هیجران اوخون
گولوشونله در بالام

لایلی شیدا بولبولوم
لایلی دانیشان دیلیم
سن ناساز من قهرلی
کیمینله دئییم گولوم

گون باتدی چیخدی آییم
قیشا چئوریلدی یاییم
سندن آیری گونلری
من، اوغول نئجه ساییم؟
لایلی گولوستان باغیم
لایلی قولوم بوداغیم
آلاه سنی ساخلاسین

یانار قالسین اوجاغیم
لایلی گۆزوم به به ییم
لایلی آرزیم دیله ییم
دار گونده دار زاماندا
سنسن منیم کۆمه ییم

لایلی شوهرتیم آدیم
لایلی قولوم قانادیم
مندن آیری دولانما
سنسن منیم هر زادیم
لایلی سنه یاریدیم
هر ایشینده واریدیم
آه چکدیم جفا چکدیم
عؤمروم کئچدی قاریدیم

آی آلاه قوش اولایدیم
اوچایدیم خوش اولایدیم
یازین، مئیین مزه سین
ایچیپ، سرخوش اولایدیم

ائللرده گؤز اولایدیم
دیللرده سؤز اولایدیم
گونش یولون گؤسترن
بیر یئنی ایز اولایدیم
داغدا دومان اولایدیم
ئلده گومان اولادیم
مرد ایییدین الینده
اوخلا- کامان اولایدیم

چیچکلی یاز اولایدیم
کدری آز اولایدیم
شنلیک لرده چالینان
صدفلی ساز اولایدیم
شیمشک ووران اولایدیم
داغدا یانان اولایدیم

قايالارا سۇيىكە نى
 يالقىز چوبان اولايديم
 دوستاقلقدان قاچايدىم
 قانادلانىپ اوچايدىم
 گوللردن آلان عطرى
 ائللريمە ساچايدىم

كسگىن قىلىش اولايديم
 ظلومە دوروش اولايديم
 ظفرىن دوداغىندا
 سۇنمز گولوش اولايديم
 خالقا كۇمك اولايديم
 وارلىق - امە ك اولايديم

الڊن ٽوٽانماسا یدیم
باری اوره ک اولایدیم

وطن عشقین قانایدیم
آلوانیب یانایدیم
اؤز یوردومون یولوندا
قانیمایا بویانایدیم

آرخالی داغ اولایدیم
لچه یی آغ اولایدیم
اٹلیمی سئویندیرن
چیچکلی باغ اولایدیم
بایراق اولوب اسه یدیم
دوشمن یولون کسه یدیم
یوردومو قوروماغا
هر زمان تله سیدیم
شوراندا قار اولایدیم
وارسیزا وار اولایدیم
اٹلریله بیرله شیب
همیشه وار اولایدیم

ن
 تئلرین ییغین - ییغین
 گۆزل دیر اینجه لییین
 الیمده دیر اللرین
 اوره ک ده ایستی لییین آی
 قیز قوش تک کؤچرسن
 یاخشی پیسی سئچرسن
 گون باتیب گوی دولاندا
 اوره ییمدن کئچرسن

بالام گوللو باغ اولسون
 گول چیچه یی آغ اولسون

دردی گلسین جانیما
اونون جانی ساغ اولسون من
یاتمارام یاتماسان
باش یاستیغا آتماسان
شیرین سو زهراولسون
سن او سودان دادماسان

بالام اوینار گولونن
اوخویار بولبولونن
اؤزگه لره قوشولماز
منی ساخلار دیلینن
اوغول تانری یار اولسون
نه ایسته سن وار اولسون
همیشه آرزیم بودور
سنین جانین ساغ اولسون

قوچاغيمسان قوچومسان
 داياغيم سان قولومسان
 ايبيدلرين گؤزه لي
 چوخ اوره يه ياتانيمسان
 گئجه گئچدى يارى دان
 مدد ايسته تارى دان
 سن ناساز من چاره سيز
 پتک بوشدور آرى دان

قاچيب گؤزدن ايتمه سن
 پيس يوللاردا بيتمه سن
 سودوم حلالين اولسون
 منى آتيب گئتمه سن
 داغدان آشان سئل اولسون
 باغلار دولو گول اولسون
 سنين آرخان - داياغين
 بو قهرمان ائل اولسون

دوشمن لر قیراجاقسان
یخیلیب دوراجاقسان
ایفتیخار نیشانه سین
سینه نه ووراجاقسان
یایدان قاچان اوخ اولسون
دوشمنلرین یوخ اولسون
گز دولان ائل یولوندا
عؤمور- گونون چوخ اولسون

سن منیم آیاغیمسان
نورومسان ، چیراغیمسان
یاخشی گونومون دوستی

پیس گونده دایاغیمسان قار
یاغسین داغا دوشسون
داغ باشیندان گوروشسون
بیزی آیری سالانین
گوزونه یارا دوشسون

اوغول داغلار آشارسان
آراز کیمی جوشارسان
ائلیله ال بیر اولسان
باشی اوجا یاشارسان

سینه م اوسته قوشومسان
گوزل قارانقوشومسان
سنسیز عاغلیم هوشوم یوخ
منیم عاغلیم هوشومسان
لایلا دیلای دوشدوم دیله من
قوشولموشام یئله من
بیر گون آیری گزمزدیم
نئجه دوزوم ایله من سن
اوجا بوی گلینسن
عاغیللی سان درینسن
قوشلار گولشنین اولسون

بیر تکجه سن منیمسن

نه یئمه لی هولوسان
آخار سودان دوروسان
مندن آیری گزنده
باغریمی یاندیریسان
گونش کیمی شاخیرسان
اوره ییمدن آخیرسان
گیزله نییسن باشیمدا
گۆزلریمدن باخیرسان

عؤمور باریم تزه سن
 داغی داشی گزه سن
 بولبولر قاناد چالار
 سن گولشنه بزه سن اوره
 ییمسن گؤزومسن
 دوداغیمدا سؤزومسن
 باغریمدا گیزله نیبسن
 ائله بیل کی اؤزومسن

چیراغیمسان نورومسان
 مله ییمسن حورومسان
 اوره ییمده گزیرسن
 الریمده دورومسان
 آییمسان اولدوزومسان
 آغزیمدا داد دوزومسان
 گؤزلردن گؤزلسن
 منیم دادلی قیزیمنسان

گووندیییم داغ اولسون
بالام گزسین باغ اولسون
دونیا مالی نه لازیم
منیم بالام ساغ اولسون لا
یلای سسیم اوجالسین
حاق نفسیم اوجالسین
کۆرپه لر اییید اولوب
دوشمنلردن باج آلسین

لای لایمدان اویاندین
گۆز اؤنونه دایاندین
اوره ییمده گیزله نیب
داماریمدا دولاندین
لایلای منیم جانیمسان
اوره کده آل قانیمسان
سنسیز یاشاماق اولماز

روحوسان ایمانیسمان

سن تبریزین قیزیسان
 گوئلرین اولدوزوسان
 منیم سؤزوم صوحبتیم
 ائویمین داد دوزوسان
 لایلائی گوئل مرد اولان
 دور گل بیر منله دولان
 من کی سنسیز گزمه رم
 آی روحوما بند اولان

حؤرمتملی فرشچی لره اتحاف
 سلام مندن آلیرسان
 بویلاردان بویلانیرسان

گول اوزونه قوربانام
آی قیز منی تانیرسان

جانین گئتدی آرادان
آغی سئچدی قارادان
گوللو هونر یاردان
نئچه تیکه خامادان
بولودلاردان باخدین سن
بولاقلاردان باخدین سن
پاییزین ناخشاسیندا
ایلدیریم تک شاخدین سن
اوره ییمی اوزرسن
داردا باغلار گزیرسن
بارماقلارین قانینلا
گول چیچه یی بزرسن

آخار سولار دورولسون
دونیا سنه وورولسون
الر یوبن یئرینه
آیاق قویسام قیریلین
داردان وئردین سسی سن
او ایستی نفسی سن

بارماقلاریم تار چالیر
گۆزلیم تله سیرسن

اؤزون باخ گۆر نئیلیرسن
دیل دوداغین چئینیرسن
هونرین باشقا چیخدی
هله ده گیلئیلی سن

سۆز قورتولماز یازماقدان
گیلئییم یوخ بارماقدان
گول کیمی رنگیم سولدو
ال باشیما چالماقدان

فرشه چیچک دوزورسن
اوتاقلاری بزیرسن
گۆز اؤنوندن اوزاقسان
اوره ییمده گزیرسن اوره
ک دردین توخودون
دار دالیندا اوخودون
فرشین داردان قورتولدو
آما اؤزون یوخودون

دوداق کوسوب گولمکدان
داخمالاردا قالماقدان
ایلمه ک اوسته قوجالدیم
جانیم چیخدی دیرناقدان
سئوگی مندن ، ناز سندن
چیچک مندن گول سندن
گل بیر هونر یاراداق
شعیر مندن ال سندن

توخو باریش بایراغین
 گۆرسون دؤیوش میدانین
 قوچاقلارین الینده
 جارلا سین وطن، آدین دار
 الینده اوخورسان
 کوردی ناخشا توخورسان
 دردلی جنگی چالاندا
 یاندریرسان یاخیرسان

آل پیچاق توخو باشندان
 شوقا گل اوخو باشندان
 هونرین گوجلو اولسا
 کئچیردر اوخو داشداندان
 دوواردا یا یئرده سن
 ماهنی کیمی دیلده سن
 الین یئری الیمده
 هر زامان اوره کده سن

نه گۆزل گولزارداسان
چىچكىلى بازارداسان
اللىرىن گول يارادير
پرده آما اۆزون دارداسان
ده - زرنىم ده سن
گۆز اۆنۈندە دىلدە سن
ھونرىن جارلار سنى
اىلدە بىلر سن نه سن

۵

مىكتىبن ائشىيندە

دورموشدوم ائشيپن ده
 روحوم قانادلانيردى
 بالامين كئشيپنده

لايلاي آي بويو بسته
 باشين قوي ديزيم اوسته
 فرمانينا جان قوربان
 نه دئسن گؤزوم اوسته
 من قوربانام اؤزونه
 شيرين شيرين سؤزونه
 گؤزومه يوخو گلمز
 ساتاشاندا گؤزونه
 لايلاي قارا گيله مه
 سؤزو بنزر ننه مه
 عشقيني بير گون كيمي
 تاخدين منيم سينه مه

چوخ سؤزلر وار سسينده
 سسينده نفسينده
 ائل سنه قاناد اولسون
 سن ياشا كؤلگه سينده
 لايلاي بالدان شيرينه

گۈزلىرىن بىرىنە
آى دا نورون ساچىيدى
اۈز بالامىن يئرىنە

لايلاى قارا تىلىمە
الىنى وئر اليمە
سنين آدىندان سونرا
بىر آد گىلمز دىلىمە
لايلاى اللرى اينجە
بار ساخلا دىم درىنچە
صبرىم قارارىم گىلمز
سن مکتبه گىلىنچە

لایلائی کھلیک یئرشہ
 سؤزو بنزر یئمیشہ
 ائللر قوناق گلہ یدی
 بالام ایله گؤروشہ
 لایلائی سینہ گولومه
 لایلائی شیرین دیلیمہ
 سنین تک رشید بالا
 ایفتیخاردی ائلیمہ

لایلائی آلا گؤزومه
 یئکل بیر باخ سؤزومه
 سن گولوب شاد اولاندا
 من گلرم اؤزومه
 عرضه وئردیم اؤزونه
 اورہ ک یاندی سؤزونه
 لایلائی کسر سالمادی
 اونون آییق گؤزونه

لایلی چالدیم بولبوله
قونوبدور قیزیل گوله
بالا دئدیم آغلادیم
داشلاردا گلدی دیله
اوغول نه وار او ایزده
قوشلار اوچان دنیزده
روحومو سن آپاردین
جیسمیم قالدی تبریزده

گئتدیم یوللار قصدینه
یاغیش یاغدی شستیمه
دئیین بالاما گلین
چتیر توتسون اوستومه

یاغیش یاغیب گول اوسته
گول اوسته سونبول اوسته

جاوان جانيم كول اولدو
 سنين تك بولبول اوسته
 فلک ساچيمي ائشمه
 باغريم يارادی دئشمه
 بالام قوربته دوشدو
 گؤزلريم اولدو چئشمه
 دئديم يولدان گلنه
 يولا گولر انه
 بالام اوردا دولانا
 گؤزل قيزلار به يه نه

داراق چکم تئلينه
 گول وئريم اليه

من وئردىيىم گوللرى
اودا وئره گلىنه
شئح گلىدى چمن اوسته
قوندو ياسمن اوسته
دئيين بالاما گلسين
يئرى وار سينه م اوسته

شاباش وئره م اؤزونه
نظر ديمز گؤزونه
منه آنا دئينده
قوربان اوللام سؤزونه
نفسيم شوشه لرده
قالميشام گوشه لرده
منيم لايلاي سسيم وار
سمير سيز مئشه لرده

يارالاريم بيتيشه
بالام گليب يئتيشه
من آرزوما چاتارام
آرزوسونا يئتيشه
گؤز ياشلاريم بنيزده

گؤرونور آغلار اوزده
 قهرلی لای لایمدان
 آشدی داشدی دنیزده
 بالا آدی دیلیمده
 دولاندی ایلییمده
 اللرینین ایستیسی
 هـله ده وار الیمده
 اوغول گل آمان گونده
 دردیمی قانان گونده
 سنسن منیم دایاغیم
 پیس گونده یامان گونده

آی دنیزده چمنده
 اولدوزلار وار گؤزونده
 بالاما لایلی چالدیم
 پاک عشقیمی بیلینده قار
 دؤشه نیب دره یه
 گون ووراجاق ارییه
 آی بالا گؤز قولاق اول
 اووچو قوران ته له یه

لایلی کپنکله
 یئرلی ایپکله

قوربت ده یالقیز قالان
او یوخا اوره کلره
پاییز یئلی اسنده
اسیب باغریم کسنده
یار یولدشین یئتیشدی
بس هارداسان گل سنده

ی

داغلاردا اووچو لایلی
جئیرانلار قوچو لایلی
حسرتینده آغاردی
آنانین ساچی لایلی
سئوگیلیم گولوم لایلی
گؤزل بولبولوم لایلی
اوره ییمین اووچوسو
ساچی سونبولوم لایلی

لایلی ارکین قالاسی
اوجا داغلار لالاسی
تبریزین رشید اوغلو
بیرجه سی بیردanasی
لایلی ائلر سرداری
لایلی یوخسوللار یاری

درد بلادان ساخلاسين
سنى يارادان تارى

درمان وئر حكيم لايلاي
درديمه چكيم لايلاي
يار دولانان يوللارا
گول چيچك اكيم لايلاي
لايلاي چمنين قوشو
لايلاي عؤمروم دوروشو
دونيانى گزر گؤزوم
سندن ائدر گؤروشو
كيم اولار سنين كيمي
مهريبان گلين كيمي
يولوندا قاناد چالديم
يورغون گؤيرچين كيمي

لايلاي تبريز گؤزلى
پاك عشقيمين ازلى
ديل آچدين جانيم آلدين
آيايق توتوب گزه لى
قوشوم ارکک - مايادى
ياتان يئرى قايادى

اونون حزین نغمه سی
یاتانلاری اویادی

لایلای گۆزوم ایشیغی
ائللرین یاراشیغی
گل باغریمی ساز ائیله
آی روحومون آشیقی
قیزاردیم بنیز کیمی
گئدرلی بیر ایز کیمی
آرخانجا یولا دوشدوم
سورونن دنیز کیمی
لایلای یولداشیم لای لای
باجیم قارداشیم لای لای
یازدیم اوره ک دردینی
سنه یاراشیم لای لای

لایلای روحوم چمنی
نه آلدادایسان منی
گۆزلریمده یاتیبسان
سنله گۆروم عالمی
سو گلدی بنده قالدی
بندی کسنده قالدی
سنین گۆزون یوللاردا

منیمکی سندھ قالدی

بالا یولون اوراقدی
 گولو دوداق داراقدی
 سندن آیری دوشدویوم
 هئچ بیلیرسن ناواختدی
 لایلائی به به ییم لایلائی
 جانیم اوره ییم لایلائی
 یامان گونومون دوستو
 آرхам کومه ییم لایلائی

ساچینی هؤروم لایلائی
 داریم هؤروم لایلائی
 قلبیمده بیر آرزو وار
 تویونو گوروم لایلائی
 سینه مین گولو لایلائی
 گولو بولبولو لایلائی
 سنه احسن چاغیردی
 یوردومون ائلی لایلائی

لایلائی ائینالی داغی

لایلائی گولوستان باغی
سن تبریزین بالاسی
تبریزده ائل یاتاغی
لایلائی بختیمین گولو
لایلائی عشقیم بولبولو
ئل دیلی شیرین اولار
دانیس ائل سئون دیلی

لایلائی بیناب هولوسو
هولولارین سولوسو
سنه محبتیم وار
بوتون اوره ک دولوسو

لایلائی الیمین قوشو
لایلائی عشقیم دوروشو
آتان یورغون گلنده
سنله ائلدر گؤروشو
لایلائی بالاجا کیشی
باشارماییر دوروشو
باخماسی جئیران کیمی
قوچاقلار تک یئریشی

کیتابین سون صحیفه سی اوچون

من گئندیم ایزیم قالدی
 ائللرده گؤزوم قالدی
 سینه م بیر اودلو دفتر
 آغزیمدا سؤزوم قالدی

سسیم گلیر ساغام من
 بیر چیچکلی باغام من
 بوگون دانیشیب گولن
 صاباحکی توپراغام من
 آپاردی سئلر منی
 کدرلی ایلر منی
 یئنه یادینا سالدی
 قهرمان ائلر منی

من اوچدوم یئلرایله
 گولوشدوم سئلرایله
 سون نفسده ائيله دیم
 خداحافظ ائلرایله
 قلمیم یانا- یانا
 بله شیب دیر آل قانا
 ائل دردینی یازمادان

کیتابیم چاتدی سونا
بو یوللاری گزدیم چوخ
گول باغلا دیم در دیم چوخ
چوخ باشیزی آغری تدم
من در دلی یم در دیم چوخ

سؤ ز لوك

آشيق = اويون اوچون قويون و باشقا دورد آياقلىلارين ديزلربندن چيخان

سوموگون آدى

آجى چايى = تيريزين چايلارندان بيري

آلاق = علف، اوت

آل = سرخ، قرمز (حيله، آل ائتمك)

آران = ايستى يئر (جلگه، دشت، زمين پست، گرمسير)

آرخاداش = يار، يولداش (همكار، رفيق)

آراز باري = بير رقص آدى (يكي از مقام هاى موسيقى ضربى آذربايجانى)

آرد = دالى (پشت، عقب، پشت سر)

آياز = سويوق و قورو هوا (نسيم، باد خنك سحرگاهى، هواى سرد و خشك

سوز و سرما)

اسكى = كؤهنه (كهنه، قديمى، كهنسال، سابق)

ايلقار = آند، عهد، پيمان

اتحاف = هديه، تقديمى، پيشكش، تحفه

اؤنونده = قاباغيندا (در مقابلش، در برابرش)

اؤن = قاباق (پيش، جلو، مقابل، برابر،

نزديك)

ائيواز = كوراوغلونون اوغلولوغو

اولو = بؤيوك، متعالى، والا مقام

اوولاق = گئچى بالاسى (بره)

اوردو = سپاه، ارتش

اورمان = جنگل، بيشه

ائینالی = تبریزین شمالینداکی داغ آدی (کوهی در شمال تبریز)

ایز = آیاق یئری (رد پا)

بایراق = پرچم

بنیز: اوز، عارض

بئجردر = بسلر (پرورش می دهد)

باغلار باغی = تبریز پارکلارینین بیرین آدی (تفریحگاهی عمومی در تبریز)

بوز آت = قاچاق نبی نین خوش یئریشلی و آدلیم آتی

بورقو = شیپور

بارینا = فایدالانا، منفعتی اولا

بولاق = چشمه، پینار

بایدا = سوت قابی

پارلاق = ایشیلدايان درخشان، نورانی، براق، شفاف، تابان)

پاشا = تورکیه ده بویوک آداملارین لقبی (عالیترین مقام لشکری و کشوری در

عثمانی)

توکمز = قور تولماز (تمام نشدنی)

تانری = آلاه ، خدا

جایناق = چنگال، پنجه

حووض ترلان = ائینالی داغینین آرخاسیندا بیر اینجه بولاق

هاماش = بیرلیمکده مسافرت ائدن (همراه سفر)

حاصل = محصول، نتیجه

زیروه = داغین باشی (قله)

ظفر = پیروز لوق

سار = سیغیرچین، بیر قوش آدی (سارنگ، پرنده ای است کمی بزرگتر از گنجشک)

سارای = ائو (مسکن، منزل، کاخ)

سمیر سیز = سس سیز (ساکت)

سرحد = مرز (مرز کشیدن)

سئودا = عشق

سازاق = شاختا (باد سرد، سوز، سرما)

سئوگی = عشق (محبت)

سیردانش = سیریولداشی (همراه)

سایاق = سیاق (اسلوب، روش، طرز، نحوه، شیوه)

شنلیک = شادلیق (شادی)

شوران = دوزلوق (زمین شوره زار، زمین شور، کویر)

شئح = نم

شیمشک = ایلدیریم (آذرخش)

شام = شمع

قایا = داش (سنگ، صخره)

قارات = غارت

قالدیرماق = قوزماق

قادین = آرواد، خانیم

قوزغون = قارا قارقا (کلاغ سیاه، غراب، داغ، کرکس)

قارتال = شاهین (پرنده ای شبیه عقاب، قارا سنقر)

قوچاق = پهلوان (دلاور، پر زور، چابک، بی باک، جوانمرد)

قدح = جام، پیاله

قوبار = قم، غصه

قیر آت = قوچ کوراوغلونون آدلیم قیر رنگینده قارا آتی

قالا = قلعه، دژ، اوجا حیصار، زندان، محبس

کره = بار، دفعه، مرتبه، نوبت

کهر آت = کهر آت = قیرمیزی آت (اسب سرخ رنگ مایل به سیاهی قهوه ای رنگ)

کسگین = ایتی

کدر = قم (اندوه، غصه)

گونش = خورشید

گۆی قورشاغی = قاری ننه نین ایشی (رنگین کمان)

ماراق = ایستک

ماهنی = ترانه

محراب داشی = ساوالانین زیروه سینده

بیر اولو داش دیر

میشوو = مردین قوزئی طرفینده بیر

صفالی داغ دیر

مزه لی = دادلی

موراد = آرزی

نیگار = کوراوغلونون قوچاق حیات یولداشی

ناقیش = ناخیش (نقشه)

یاناق = صورت (گونه، لپ، شقیقه)

یایلاق = ییلاق

ياراق = دؤيوش وسيلهسى

يئنى = تازا

ياشيل باش = ارکک اؤردک

يورد = وطن

يل = پهلوان

ياللى = دسته جمعى اويناماق (رقص دسته جمعى آذربايجانى كه رقص
کنندگان دست همدیگر را می گیرند و دایره وار حرکات موزون می کنند)

يوخا اوره ک = اوره يى نازیک

ياماج = داغین دؤشو